

پاکستان نا تہہ و پیشن نا ویل آک

بی ایس او آزاد

ہمرو ہم راجی جہد اس یا تحریک اس مرے یا کہ ایہن ء
جنگ اس مرے، جہد تون تفوک سیاسی کیڈر و آجوئی نا
جہدکار آتا زی آلمی ء کہ اوفک دژمن آریاست نا تہہ ٹٹ کاٹم
ارفوکا غٹ حالت آتے، اونا تہہ ٹنا شیف بڑزی، ویل و جنجال،
طاغت و نزوری، جوانی و خرابی تے جوان وڑ ٹٹ خوانر و
سریند مریر، ہمو وخت اسکان کہ نی تینا دژمن ء خوانپیسہ و
پہہ مفیسہ گڑا دا نیکن کبین مریک کہ نی دژمن ء سخت ٹنا
بکار آتا حساب ٹٹ پرغنگ کیس۔ اندا وڑ کل بلوچ جہد کار
آتیکن المی ء و خاص وڑٹٹ سیاست تون تفوک سیاسی
جہدکار آتیکن کہ پاکستان ء جوان وڑ ٹٹ خوانر و پہہ مریر و
پاکستان نا کل معاملہ و افئیرز آتے سریند مریر ہرا وخت اسکان
نن دژمن نا حالت و ویل و نزوری تے پہہ متنن نن دژمن
نا برخلاف سوگو ء پالیسی جوڑ کنگ کپنہ۔

درستی راستی

پاکستان ساڑی آ وخت ٹٹ تہہ و پیشن ہرٹوما پارہ غاتیان
بہلو ویل و جنجال آتا گواچی ء، او ویل آک جتاء غا دروشم
تیٹ وجود تخرہ ہرافتا سوب آن ریاست جہان نا خنتیٹی
بطور ء failed State یا Banana Republic نا بنیات آ
ہرنگ و چاننگ مننگ ٹٹی ء۔ اگہ نن پاکستان نا سیاسی،

روزگاری، ڈیپلومیٹکی سیوتی نا بنیات آہرن و ہیت کین گڑا
جہانی تلہ غا داسہ پاکستان زیات آن زیات تنیائی نا گواچی ء و
جہان اونازی آجوان وڑ ٹ یقین کنگ اف، چین پاکستان
آن ہمرو کہ فوجی و روزگاری امیت اینو آن دہ سال مست
تخانے او اینو اوفتیاں نا امیت مرسا ء، سی پیک و ایلو
پروجیکٹ آتیٹی چین پاکستان نا کمک ء بند کرینے، سعودی،
یولے ای و ایلو عرب ملک آک ہرا مست ہر وڑ ٹنا حالت
آتیٹی پاکستان کن سلوک مسنو و پاکستان ء مدام روزگاری و
پوریائی معاملہ آتیٹی کمک کرینو ولے اینو خنگک کہ پاکستان
نازی آ عرب ملک آتا ہم یخین پٹانے ہرانا بھلا مثل سعودی
عرب نا شہزادہ سلمان نا پاکستان آبننگ نا شیڈیول اس
شینک کنگ آن پد ہم بفننگ ٹس ہراڑان ریاست نا گیشتر
بدنامی مس و چین ٹتون خرکی آن امریکہ نا شوربندی ساز
پاکستان آن خوش خنگکپ۔ روس ٹنا پاکستان ایمبسی داسہ
زوت ٹتینا درشانی اسیٹی پاریسس کہ روس پاکستان ٹی
سیاسی instability ء خرکی ٹت ہرنکے یعنی روس پاکستان نا
اسہ جوانو غلہ (wheat) امپورٹر اس رسینگانے و داسہ گلوبل
پالیٹکس ٹی اسہ اہمیت تخوک نت ٹسے نا حیثیت اس تخک
اونا سیالیک ہم پاکستان تون جوان افس کہ پاکستان یوکرین
و روس ٹنا جنگ ٹی گیشتر دے کہی (west) نا پارہ غا سلوک
ریاست اس مسنے۔ روزگاری و ویل آتا سوب آن پاکستان جہان
ٹتینا ساڑی آ ایمبسی تا تنخواہ تے ہم جوان تننگ کنگ
اف، پاکستان نا پولیٹیکل instability و روزگاری معاملہ آتا
سوب پاکستان نازی آ جہان نا پریشتر ہم گیشتر مریسہ ء، آئی
ایم ایف، ورلڈ بینک نا شرط آک ہم گیشتر مریسہ ء و ہندا
سوب آن پاکستان گیشتر پریشرائز مننگ۔ ایران تون داسا نا

سیمسری ویل آک ہرا پاکستان ایران نا تہٹی بلوچ لس بندغ تا
زی آجلہو کیک و اندا وڑ ایران پاکستان نا زی آجلہو کیک و
دا نیمہ غا بلوچ ء کسفک ولے دا اندا ہیت ء پاش کیک کہ
پاکستان ایران تون 970 سیمسر بشخ کیک و ہڑتوما ریاست
آتا سیالی ہرا وڑ کہ خننگک کہ ریاست بیدس اسٹ ایلو تون
سیوتی آن اسٹ ایلو نا زی آجلہو کنگ ء، اندا وڑ اوغانستان
ہرا پاکستان نا خڑکو ہمسایہ ڈیہہ ئسے کہ ہڑتوما کنڈا پشتون
آک آباد ء و دافتا نیام ٹٹ جوانو کاروباری سیالی اس ارے ولے
داسہ کہ طالبان نا حکومت بسنے پاکستان بہاز اراند آتا گواچی
ء و پاکستان اوغان طالبان تیتون بہاز وخت آبراہ راست جنگ
ٹنا پارہ غا ہننا، پاکستان ڈرون و آسمانی جلمو تیتون اوار پین
جلمو ہم کرینے و طالبان ہم دانا برخلاف پاکستان نا سیمسر ء
رکھوک آتا بھلو کچ اسیت جلمو کرینے و اندا وڑ پاکستان
اوغانستان کن ویزہ المی کرے ہرانا برخلاف چمن ئٹی دیے ٹو
برانز برجاء مس و دا برانز دیے پہ دیے آگیشتر بھلن مریسہ
کرے۔ اندا وڑا نن خنینه کہ پاکستان نا انڈیا تون سیالی ہم
گیشتر خراب مسنے، داسہ زوت آتیٹ کشمیر ٹٹ جہادی تا
جلموک مسنو، انڈیا دافتا بنیات پاکستان ء سرپند مننگے
پاکستان و انڈیا نا سیمسر آتا زی آویل آتا نگیگ مننگ نا
گنجائش ارے، داسہ کہ کشمیر ئٹی برانز و ایلو کاریمک مسنو،
دافتا پد آہم پاکستان سرپند مریک کہ انڈیا نا دو اوار ء داران
چائنگک کہ ہڑتوما ڈیہہ تا سیالیک داسہ جوان افس۔ اندا وڑ
پاکستان نا مالو نا ملٹری و ایلو فنڈز آک ہم کم آن کم مسنو و
پاکستان مسکوپی وخت ٹنا حساب ٹٹ کمک و مدت ہلنگ
کننگ اف دنکہ مالو دہشتگردی نا برخلاف جنگ ٹنا پن ٹٹ
پاکستان جہان آن تاوان ہلکنے۔ اندا وڑ پاکستان جہانی تلہ غا

نسخان ٹی ء و اونا زیم و اہمیت دے پہ دے آن ایسر مریسہ ء
اندا وڑ پاکستان تہہ ٹنا بنیات آہم بھلو ویل و جنجال آتا
گواچی ء۔ پاکستان تہہ ٹنا تلہ غا ہم گیشتر نرور تمانے۔
پاکستان نا بنداوی جوڑشت و لیکہ دے پہ دے ایسر مریسہ ء و
اینو ہر ہند و جاغہ آراجدوستی گیشتر سوگو مریسہ ء۔
پاکستان ٹی فیڈریشن نا گمان تیوہ غا ایسر ء، ملک ٹنا زی آ
لشکر نا زورگیری ء و جمہوریت ہرا بیرہ پن ٹنا مسنے اینو جہان
نا مون آپاش ء۔ روزگاری بابت ملک دیوالیہ نا برابر ء ہرا جتاء
ملک آتا ارفوگا وام تا زی آرائی ء، ریاست نا دا سال ٹنا بجٹ نا
52 درسد وام تا مون آہننگ و پیشتموگا گیشتر آ بشخ لشکر و
سیکیورٹی نا زی آ یعنی ریاست نا تینا دیمروی و پروگریس اکن
ہچ وڑوزر و مال اف، اندا وڑ ملک ٹی تیل آن پلیس چنکا
گڑاتا گبین نہاد تینا گڈیکو سیمسر آتا سر ء، جان سلامتی نا
خلیس نا سوب آن ریاست ٹی پوریا کن کسس بنگ کن تیار
اف، سعودی عرب نا بابت مسکوہی مسہ سال ء کہ ٹاپار
خلنگ مننگ کہ دا دے و اے دے آ پاکستان آبریک و سرمایہ
کیک ولے انگہ ہچ وڑ سرمایہ کاری پاکستان آ بنگ اف دنکہ
مسکوہی ٹو تیٹی سعودی حکومت نا روزگاری ٹیم (اکانمک
ٹیم) اس پاکستان آ بسس ولے دن انگا سرمایہ کاری نا پڑو آن
بیدس واپس مسر اندا وڑ پاکستان نا معیشت نا حال ء ولے
اوران بھلا ویل اورٹون سیکیورٹی نا ء، پاکستان نا فوج
بلوچستان ٹی دے پہ دے آ بے سہب مریسہ ء، بلوچ سرمچار
آتا مون آ دشمن بیوس خننگک، داسہ زوت آتیٹی بولان،
نوشکی، کولواہ، مند و ایلو ہند آتیٹی ریاست بھلو کچ ٹیے آ
بلوچ سرمچار آتا برخلاف آپریشن کنگ نا پڑو کریسس، تینا
لشکر ء بلوچستان نا گیشتر ہند آتا مش تیٹی دننگ نا

کوشست کریسس، ولے جنگ ئنا ولنک نا مفرنگ و بلوچ
جهدکار آتا جنگی و گوریلا حکمت عملی و ہر آتا سوب آن
ریاست نا کل جاہ تیٹی آپریشن آک ے فائدہ ایسر مسر۔
بلوچستان نا بھلا ڈیہہ و بلوچ گوریلا لشکر نا سوگو آجنگی
حکمت عملی تا مون آ دشمن دے پہ دے آپنسیہ ے۔ اندا وژن
خنینہ کہ خیبرپختونخواہ و پشاور ہرا اوغان سیم تون خرگی
کیرہ ہڑتوما ہند آتیٹی تحریک طالبان پاکستان فوج و ریاست
کن بھلو بھیم ئس جوڑ مسنے و خاص وژٹ کے پی کے نا قبائلی
ہند آ پاکستانی لشکر طالبان آتا دو آن ہڑدے جلمو تا پلویر ٹی
ے و گیشتر ہند آتیٹی طالبان نا اثر ٹی ے۔ پاکستان ٹی طالبان
تون اوار پشتون ہند آتیٹی داعش، آئی ایس آئی ایس خراسان
و ایلو گیشتر جہادی تنظیم آک جوانی ٹٹ کاریم کننگ ے،
چینی و ایلو پروجیکٹ آک ہر وخت آ جلمو تا پلویر ٹی ے،
داسہ جلمو آن پد اندا زوت آتیٹ خیبر پختونخواہ نا تہٹی پین
پنچ چینی تا مرگ نا گواچی مننگ آن چین و پاکستان نا سیالی
تازی آ خراب ے زیم ئس تمنگے۔ بلوچستان و خیبر پختونخواہ آ
دا وخت آریاست جان سلامتی نا بابت بھلو اڑاند آتا گواچی ے
ہراڑے مشکے، جھاؤ، کیچ و بلوچستان نا پین گیشتر ہند آتیٹ
دشمن بھلو کچ اسیت تینا بیس کیمپ و لشکر ے کشا۔ اندا
وژ پاکستان جان سلامتی ویل آتا گواچی ے و پاکستان دا وخت
آتیٹی سیاسی عدم استحکام نا ہم گواچی ے۔ 2022 ٹٹ
پاکستان تحریک انصاف یعنی پی ٹی آئی نا حکومت نا ایسری
آن پد پاکستان ٹی سیاسی عدم استحکام گیشتر ودانے دن اف
کہ پی ٹی آئی حکومت آن مست پاکستان سیاسی استحکام ٹی
مسنے ولے او وخت آن لیگ، پیپلز پارٹی، و جمعیت اسلام
(ف) کون آگروپ آک فوج ئنا مون آ مسنو ہرا فوج آ بھلو کچ

ٹیہے آ زور شاغنگ ٹٹ سوگو متنو ولے پی ٹی آئی ء حکومت آن
کشنگ و اونا جاغہ آن لیگ ء حکومت تننگ تون فوج ٹنا
برخلاف سوختی پنجاب اسکان سر مسنے ہرانا بھلا مثیل
خدو 9 مئی آخننگا ہراڑے پنجابیک بھلو کچ اسیت پیشن
بسر و پاکستانی لشکر نا کیمپ آتا زی آجلہو کریر، فوجی تا
بُت آتے پرغار و فوج وی پی ٹی آئی نا منوک آتا نیام ٹٹ اسہ جنگ
ٹس بناء مس۔ مسکوہی تینا مون آلیکشن آن پد ہم دا
سیاسی عدم استحکام ایسری نا پن ء ہلپک و گیشتر حالت
آک خراب ء۔ اندا وژ عدالتی نظام و فوج ٹنا نیام ٹٹ ہم ایلو
ویل آک دے پہ دے آن گیشتر مریسہ ء ہرافک پاکستان ٹٹی
آئینی و قانوندی بحران ٹس مون آہتیسہ ء۔ دا کل معاملہ غاتیا
شیف آاسٹ است آہیت کینہ۔

جہانی حالت آک

پاکستان و یو ایس نا سیالی

پاکستان نا جہانی سیالی تیٹی امریکہ نا زیم آتا بھلو کڑد اس
ارے۔ امریکہ نہ بیرہ پاکستان تون سیوت ٹٹی ء بلکہ پاکستان
نا سیاست، سیکیورٹی، معیشت و ایلو ویل آتیٹی امریکہ نا
بھلو کڑد اس مدام خننگ ٹٹی بریک۔ حالانکہ پاکستان نا لس
مخلوق نا خن تیٹی امریکہ نا خاص ء اہمیت اس اف ولے
پاکستان نا اسٹیبلشمنٹ نا امریکہ تون جوانو و سوگو ء خڑکی
اس ارے و پاکستان نا زردار آٹولی نا مالی و چاگڑدی زند زیات
امریکہ تون تفوک ء۔ داسہ زوتیٹ خاص وژٹ 2018 ٹی پی
ٹی آئی نا حکومت نا بننگ تون اوار امریکہ و پاکستان نا سیالی

زیات خراب مسنے، دا نا سوب بیرہ پی ٹی آئی حکومت متنے
بلکہ اسٹیبلشمنٹ نا چین تون خڑکی ہم دا نا سوب مسنے۔
سیکیورٹی نارڈ ٹٹ امریکہ وختس ہم خوش مفک کہ بحیرہ
عرب نا زی آچین نا سوگوئے زیم اس مرے ہندا سوب آن چین
نا گوادر آبننگ آن امریکہ پاکستان آن خوش متو۔ ہندا وڑ
پاکستان تون روس نا سیالی آن ہم امریکہ ناخوش مس،
خاص وڑٹٹ امریکہ ٹی ڈونلڈ ٹرمپ نا حکومت ٹی بننگ تون
امریکہ پاکستان نارڈ ٹٹ تینا پالیسی تے مچہ بہازمٹ کرے و
پاکستان ء فوجی کمک کننگ ء ہم چنکو وخت اسیکن تورے،
دا فوجی کمک آک بائڈن حکومت نا بننگ تون ولدا ملنگار۔
ہندا وڑ پاکستان و روس نا سیالی آن ہم امریکہ خوش الو و
ہمو دے آکہ یوکرین نا زی آروس جلمو کیک ہمو دے آ
پاکستانی سر وزیر روس ٹٹ ساڑی مریک دا گڑا امریکہ ء وڑیک۔
ولدا ہندا گپ ء عمران خان مونی ہتیک کہ کنا حکومت ء
ایسر کننگ کن پاکستانی فوج و امریکہ اوار مسنو، حالانکہ دا
ہیت اخس گواچن ء چاہننگ مفک ولے پاکستان نا چین تون
خڑکی و اوغانستان آن امریکہ نا پیشن مننگ نا وخت طالبان
آتیتون پاکستان نا سنگتی پاکستان و امریکہ نا سیالی تا زی آ
خراب ء زیم شاغا۔ گدرینگوکا وخت آتیٹی و خاص وڑٹٹ
اوغان جنگ (1979-1990) نا وخت آن الیس ”وار آن ٹیرر“
نا وخت اسکان پاکستان ء ڈنکہ امریکہ نا سیوت ٹس و امریکہ
نا نیمہ آن پاکستان کن بھلو کچ ٹسے اسکان مالی کمک و مدت
بسکہ ولے او اینو افس، ہندا سوب ء کہ امریکہ ایم ایف، ورلڈ
بینک و ایلو مالی ادارہ آتا نیمہ آن پاکستان نا زی آ زور شاغنگ
ٹس و یوکرین روس نا جنگ آن پد لاچار کننگا کہ او یوکرین
جنگ نا برخلاف روس نا زوراکی تے شیف خلی۔ گڑاس وخت

مریکه که امریکه نا مالی اداره آک پاکستان نا زی آ زور شاغنگ
ء و امریکه اوغانستان آن پیشن مننگ آن پداسه وار ولدا
پاکستان تون تینا سیالی ء جوان کننگ خواہنگ ء و پاکستان نا
ڈغار ء ہندن کاریم ٹ ہتنگ خواہنگ ء دنکہ اوغانستان آ
جلہو کننگ آن مست کاریم ٹ ہتنگ ٹس ولے چین تون
خرٹی و سیالی تا سوب آن پاکستان دا کاریم ء کننگ کیک گڑا
ہرتوما ملک آتیتون پاکستان نا سیالی نیام آ سلوک ء و دا نیام
ٹ مننگ پاکستان کن بہاز بہلو ہاریم ٹس جوڑ مننگ ء انتے
کہ پاکستان نا معیشت آن الیس جنگی تاغت ء زیات کننگ
یعنی اینو ہم اگہ پاکستان دا ایف 16 طیارہ آتے کاریم ٹ
ہتنگ ء دا پاکستان نا جندنا افس بلکہ امریکہ نا نیمہ آن
تروکو جنگی طیارہ ء و امریکہ ہر امر ء وخت ٹس مرے دافتے
پلنگ کننگ کیک یا پاکستان ء دافتے کاریم ٹ ہتنگ آن
توننگ کیک، ہرانا بہلا مثل 2019 ٹی پاکستان و انڈیا نا
جنگ نا وخت آنڈیا امریکہ ء بے وس کرے کہ او پاکستان آن
دا جہاز آتے انڈیا نا زی آ کاریم ٹ ہتنگ نا جواز ء پلے یعنی
پاکستان امریکہ نا موکل آن بیدس دا سلہہ تے کاریم ٹ ہتنگ
کننگ کیک بیدس جہادی گل آتیاں دنکہ ٹی ٹی پی، خراسان و
ایلو گل آتا برخلاف ولے ملک آتا برخلاف امریکہ نا موکل آن
بیدس پاکستان دافتے کاریم ٹ ہتنگ کیک۔ امریکہ و پاکستان
نا سیالی نا نارملائزیشن نا سوب آن اینو پاکستان جہانی پڑ آ
تنیائی نا گواچی مننگ ء دنکہ امریکہ جہانی پڑ آداسہ نا گلوبل
آرڈر ٹی یونیولر ورلڈ آرڈر نا بہلا ء اوڑتون پاکستان نا سیالی تا
نارملائزیشن یا کم مننگ پاکستان کن بہلو بہلو جنجال آتا
سوب جوڑ مننگ ء۔ بلاول زرداری و ایلو پرو-امریکن
سیاستدان آتا ساڑی مننگ آن بیدس امریکہ پاکستان نا داسہ

نا جاگہ آ او وژ ٹٹ خوش اف و ارٹمی نیمہ آ اوغان جنگ نا ایسر کنگ آن پد امریکہ کن پاکستان داخس بھلو اہمیت ٹس تخچک و اوغانستان کہ درو اخس جہان کن بھیم ٹس ٹسکہ طالبان تا بننگ تون گدرینگوکا وخت ٹنا حساب ٹٹ پیننگ اف ولے جہان تون خڑکی ء تینٹ سوگو تخنگ خواترہ ہندا سوب آن امریکی رابشونک پاکستان نا زی آداسہ زو تیٹی اوخس پام تننگ افس و ارٹمیکو نیمہ آ انڈیا تون تینا سیالی تے جوان کنگ خواہنگ ء کہ انڈیا دا جاگہ تیٹی و خاص وژٹٹ چین ء تورنگ کن امریکہ کن جوانو سنگت ٹیے۔

پاکستان و چین نا سیالی

پاکستان و چین نا سیالی تا بابت دنکہ میڈیا آشان تننگ یا لس مخلوق ء باور کرفنگک ولے اگہ ڈغاری گواچن ٹٹ جاچ ٹس مرے گڑا دا ہیت چاہنگک کہ چین و پاکستان نا نیام ٹٹ دائسکان دنو بھلو سیالی جوڑ متنے اخس کہ چین نا ایلو ملک آتیتون سیالی و معائدہ آک اریر۔ چین نا پاکستان تون اوخس بھلو کاروبار ٹس اف، اخس کہ کاروبار چین نا انڈیا تون اریر، ہندا وژ چین و انڈیا ہرا پیشن آن دژمن خننگرہ ولے چین نا انڈیا تون بریکس کون آ بھلا معائدہ آک اریر ولے دائسکان چین پاکستان ء گلوبل اسپیس ٹٹی جاگہ تننگ کن بھلو کچ ٹسے اسکان گام ارفنگ اف دنکہ سوگو آسیوت و معائدہ کروکا ملک ایلو ملک کن ارفک۔ چین نا نیمہ آن پاکستان کن ہچ وژ ء مدت و کمک ٹس مفت اف، سی پیک آن بیدس اگہ ہرننگہ گڑا چین و پاکستان نا نیام ٹٹ ربیدٹی، گوازی تا، مالی،

سیاست آن الیس ہر وژ ٹنا سیالی اسکان بھلو کچ ٹیہ اسکان
خننگ ٹت بفق۔ چین پاکستان ۽ اسہ پارہ غان وام تننگ ۽
کمک کننگ ۽ ہرا نا بنداوی مسخت پاکستان ۽ زیات آن زیات
چین آخن توروک کننگ نا ۽ دنکہ ہر بھلا تاغت کیک تاکہ
خواست نا کچ آدا ڈول ٹنا ملک آتے تینا مسخت آتیکن وام
تننگہ۔ چینی و پاکستانی فوج نا نیام ٹت ہم دنو بھلو اواری
ٹس خننگ ٹٹی بفق دنکہ امریکہ و برطانیہ تون پاکستانی فوج
خننگ ٹٹی بریک۔ داکان چاہنگگ کہ چین و پاکستان نا سنگتی
ہردوسر بے آخت و فائدہ آتیتون تفوک ۽ ودا فائدہ آک امر
۽ وخت ٹس مس ایسر مننگ کیرہ۔ چین کن پاکستان آخہ
بلکہ بلوچستان زیات ارزشت تخک، اونا سوب دادے کہ
بلوچستان نا بحرہ عرب تون بھلو تعلق ٹس ارے دنکہ
بلوچستان بحرہ عرب تون تفوک ۽ و گوادر و اورماڑہ بحرہ
عرب و بحرہ ہند ۽ تینا کنٹرول ٹت کرسہ آئیڈیل جاگہ ۽ گڑا
چین پاکستان تون بیدس رضا آن ہم سیالی ۽ جوان کننگ
خواہنگ ۽ و زیات آن زیات کوشست کننگ ۽ کہ پاکستان ۽
تینا زی آخن توروک کے تاکہ بروکا وخت ٹت پاکستان آن
فوجی و ایلو کیمپ آتے ہلنگ کننگ کے و پاکستان چین ۽ فوجی
کیمپ تننگ کن بے وس مرے ہندا سوب آن چین پاکستان ۽
وام نا زی آوام تننگ ۽ ودا وامک دے پہ دے زیات مننگ ۽
بلکہ اسہ ہندنو وختس بروکہ پاکستان کون آکنگال آملک
ٹنا وس آن پیشن مریک کہ او چین نا وام تے تننگ کے گڑا دا
حالیات آتیٹی چین وام تا بدل ٹی گوادر یا ایلو جاگہ تیٹی فوجی
کیمپ یا ہندنو خواست کننگ کیک کہ او دا جاگہ تیٹی
خاص وژٹٹ ساحل ۽ تینا دوئی کیک۔ چین دا ہیٹ ۽ بہاز وار
پاش کرینے کہ پاکستان کنا بندغ آتا ساہ ۽ رکھنگ کننگ اف،

ہندا وڑ اخس کہ چینی پروجیکٹ پاکستان و خاص وڑٹٹ بلوچستان ٹی برجا ء اوڑے دا پروجیکٹ آک غٹ سست گامی یا سلنگ نا گواچی ء و جوانو دروشم اسیٹی کاریم کنگ ٹی ے سہب مسنو ہرا نا سوب بلوچستان نا تہٹی برجا غا کنگ ء و دا رد ٹٹ چین پاکستان آن خوش اف و زیات آن زیات وام تننگ ء کہ پاکستان چین ء سیکورٹی کمپنی نا پن آتینا فوجی تے جاگہ ایتے و کاریم کنگ کن چینی بندغ آتے ہلے ولے دائسکان پاکستان دا شرط ء مننگ کن تیار اف ولے بروکا وخت ٹٹ کہ وامک زیات مریر و ہندنو جاگہ ئس سر مریر کہ پاکستان دافتے تننگ کپ گڑا المی پاکستان ے وس مریک کہ چین ء بلوچستان ٹی سیکورٹی کمپنی یا پین ہندنو جاگہ ئس ایتے۔ ہرانا بہلا مٹیل داکان چاہنگ مریک کہ ہمسایہ مننگ آن بیدس ہم پاکستان ٹی چینی تا کل کچ پنچ ہزار آن زیات مفک و بلوچستان کہ چینی اکنامک پروجیکٹ آتا بنجاہ چاہنگگ اوڑے کل 900 چینی اریر۔ اگہ average کشنگ گڑا چاہنگگ کہ پاکستان نا تیوہ غا ہمسایہ تیٹی غٹ آن کم کچ چینی تا ء کہ دا وخت آ پاکستان ٹی ساڑی ء۔ پاکستان چینی تا زند ء رکھنگ ٹٹ ہر وخت ے سہب مسنے و دا وخت آمنہ خاص ء پروجیکٹ و خاص ء چینی تیان بیدس لس مخلوق ٹٹ ہچ وڑ آچینیک خنگ ٹی بفسہ و چینیک پاکستان ٹی حساب ٹی ء واسہ ملک اسیٹی چین کون آ جہان نا بہلا آبادی تخوکا ملک نا تولوک آتا داخس کچ ساڑی مرے گڑا چاہنگگ کہ دا ملک آتا سیالی ربیدہی درشان ء بس ہد و کچ ٹی ء۔ چین سی پیک ٹی پاکستانی بندغ آتا کرپشن آن ہم خوش اف و دانازی آ ناخوشی نا درشان ہم کریئے۔ حالانکہ دا ہیٹ نا راستکی ٹی ہچ ء شک ئس اف کہ چین و پاکستان نا اسٹ ایلو تون بہلو کچ

ئیسے اسکان فائدہ آک تفوک ء و خاص وژٹ سی پیک چین کن ارزشت تخوکو پروجیکٹ ئیسے و اوژکن جہان نا زی آ حاکمی کن روڈ میپ نا بہلا و ارزشت تخوکا کسر ء اگہ ریئل ازم نا خن ٹ ہرننگ مرے گڑا ہندا پاننگک کہ ہرٹوما ملک آک زیات آن زیات کوشست کیرہ کہ اسٹ ایلو تون سیالی ء جوان کیر ولے لبرل ازم نا نظریہ نا بنداؤ آ ہرننگ مرے گڑا چاپننگک کہ ہرٹوما ملک آک ارمے اسکان اسٹ ایلو تون ہمرئی کنگ کپسہ انتے کہ پاکستان و چین ریدئی، چاگرڈی و نظریاتی رد ٹ اسٹ ایلو تون بہلو خڑکی ئس تخپسہ و تیوہ غا سیالی و خڑکی تا بنداؤ سی پیک تون تفوک ء و سی پیک نا بے سہبی نا دروشم ٹ چین و پاکستان نا تیوہ غا سیالی و خڑکیک ایسر مننگ کیرہ، دنکہ داسہ پاکستان و چین نا سنگتی و سیالی تا رد ٹ دی ڈپلومیٹ آہم ہندنو نوشت ئس شینک مسنے کہ چین پاکستان تون تینا سیالی ء بہاز نارمل ء حد ئیسے اسکان ایسنے و ارٹمی نیمہ آچین پاکستان ٹی سیاسی و سیکوریٹی نار رد ٹ ہم خوش اف۔

پاکستان، سعودی و ایران نا سیالی سعودی عرب

پاکستان تینا، تینا مون آلیکہ، پیشن نا پالیسی و پولیٹیکل افئیرز آتا بابت جہان ٹی چائنگک اندا وژٹنا سیالی پاکستان نا ایران و سعودی عرب تون گنڈوک ء۔ سعودی عرب دیہاری بنیات آ پاکستان نا بہلو مدت و کمک ئس مسنے اونا سوب سعودی نا لشکری مفاد آک مسنو کہ دا ہند ٹی پاکستان اسہ پراکسی ریاست ئیسے نا بستار ٹ جوانو وژٹیسے ٹ کاریم کنگک کیک کہ اونا بہلا مثیل ایران نا برخلاف جنداللہ وژو

جہادی گل آتے بلوچستان نا سر زمین آس لہہ بند کنگ و سعودی فنڈ آتیاں دافتے ایران نا برخلاف کاریم ہلنگے نا بیرہ سعودی عرب کن جنداللہ وڑو جہادی گل آتا کمک و مدت کنگ بلکن سعودی ۽ ہراتم ہم فوجی بابت کمک نا بکار مسنے پاکستان تینا فوج ۽ ہمودے تسنے یعنی سیکیورٹی نا بنیات آ پاکستان مدام سعودی نا جوانو تاغت ئس چائنگانے اندا خاطر آ مدام خننگ کہ سعودی تون حکومتی بندغ تیاں گیشتر پاکستان نا فوجی رہشونک سیاسی سفارتی معاملہ آتے ہریرہ و ہر پاکستانی فوجی سربراہ ئس بریک سعودی اوژکن مکہ نا خاص آدر آتے ملیک و اوفتے اسٹیٹ آفیشل نا وڑنٹ پروٹوکول تیک اونا بنداوی سوب سعودی عرب کن پاکستانی لشکر ۽ سیکیورٹی نا حساب ئٹ کاریم ئٹ ہتنگ ۽۔ پاکستان سیاسی و روزگاری بابت سعودی عرب کن ہچ ہم جوانو ہمراہ ئس متنے و سعودی عرب نا پاکستان ئٹی بھلو مالی سواد ہم خنگ آبتنے۔ پاکستان نا مدام کوشست مسنے کہ سعودی پاکستان و خاص وڑنٹ بلوچستان ئٹی سرمایہ کاری کے ولے دائسکان بھلو کچ ئیسے آدنو سرمایہ کاری ئس خننگیک بلکن سعودی عرب نا پاکستان آن گیشتر انڈیا تون سیالیک جوان ۽ سرمایہ کاری نا کچ اوڑے گیشتر خننگ۔ پاکستان نا کشمیر و ایلو پالیسی تیٹی سعودی پاکستان ۽ جہانی تلہ غا ہچ ہم کمک کتنے البتہ تینا سیکیورٹی نا سوب آن پاکستان ۽ مالی کمک کرینے و انگہ پاکستان نا اسہ بھلو مالی کمک آتیاں اسٹ سعودی عرب ۽ ولے داسہ زوتیٹ سعودی ہم پاکستان آن بیزار مریسہ ۽ و داسہ سعودی پاکستان ۽ مالی کمک کنگ کن شرط تخنگ نا فیصلہ کرینے دنکہ ماہلو دا کمک ہچ وڑنٹا شرط آتا بنیات آتنگ متنے ولے ایران تون سیالی تا سوب آن

سعودی نا خن تیٹی پاکستان نا اہمیت کم مریسہ ء۔ اندا
خننگ کہ سعودی و ایران نا سیالی تا سوگو مننگ تون
پاکستان سیکوریٹی بابت ہم سعودی کن بھلو حیثیت نس
تخپک و بروکا وخت ٹ ریاست نا چند ئنا ہم اہمیت کم
مریسہ ء۔ سعودی دا ہند ئی پاکستان کن اہمیت تخوک
سیوت ئسے ولے اونا خرکا پاکستان نا قیمت کم مننگ یا سیالی
تا نوزور مننگ بروکا وخت آ پاکستان کن بھلو set back نس
مننگ کرو۔

ایران

ارٹمیکو کنڈا اگہ نن ایران تون ریاست نا سیالی تے ہرن گڑا
اوفک ہم بھاز حوالہ ٹ نئے غنجل نظر بریرہ کہ اوفتا بھلا
مثیل داسا اندا زوتیٹ خننگ مس کہ ایران نا کنڈ آن پاکستان
نا سیمسر آ بلوچستان نا زی آ جلو کنگ و اونا ورنندی ٹی
پاکستان بیرہ پن ئنا گولڈ سمتھ لائن نا ایپار بلوچ آتازی آ
جلہو کرے و دا ہیت ئنا پرواہ ء کتو کہ ایران و پاکستان نا
سیالی داڑان اخس اثرمند مرو۔ اندا وخت آ پاکستان آ زینبین
برگیڈ کہ ایران نا پروکسی برگیڈ نس چائنگک ہرا پاکستان و
نیامی ایشیاء نا تہٹی ایکٹو ء و ایران نا پاننگ آ دا ایلو ڈیہہ تیٹی
ایران کن کاریم کنگ ء پاکستان دادے کالعدم کرینے یعنی دا
برگیڈ نا زی آ پابندی خلکنے داکان ہرٹوما ملک آتاسٹ ایلو نا
زی ئنا باور چائنگک۔ داسہ زوتیٹ ابراہیم رئیسی نا پاکستان نا
دورہ کنگ اسٹ ایلو کن Face saving نس مننگ کیک ولے
پاکستان نا کنڈان جنداللہ و جیش العدل کون آگل آتے فنڈ
کننگ و دافتے ایران نا برخلاف سوگو کنگ و ارٹمیکو کنڈ آ
ایران نا پاکستان نا تہٹی کاروائی و کاریمک دا ہیت ئنا شاہدی ء

ایترہ کہ جہان نا مون آ اسٹ ایلو ۽ برادر ڈیہہ پاننگ آن بیدس ہرتوما ڈیہک اسٹ ایلو نا زی آ باور کپسہ و اسٹ ایلو ۽ تینا شیف آہتنگ نا کوشست کنگ ۽ معیشت نا حال دادے کہ ایران سیم نا ہرتوما پارہ غاتیا بلوچ آبائی تولوک ۽ وختس پاکستان و وختس ایران تینا تینا نیمہ غان تیل ٹنا پوریا ۽ بند کیرہ و ارٹمیکو کنڈان جہانی پابندی تا سوب آن پاکستان ایران تون کاروبار کنگ آن ہم خلنگ نا گواچی ۽۔ ایران انڈیا تون، روس، چین ٹتون اوار جہان نا بہلا بہلا مارکیٹ آتیٹی کاروبار کنگ ۽ و دافتیان سواد ارفنگ ۽ ولے امریکہ نا نہ کنگ نا سوب آن پاکستان ایران تون کاروبار کنگ کن تیار اف بلکن پاکستان نا جند ٹنا ملٹری (فوجی اسٹیبلشمنٹ) ایران تون خڑکی آخوش اف کہ ایران جہان نا تہٹی تینا شیعہ لیکہ ۽ کل جاگہ تیٹی تالان کنگ آ سوگو مسنہ و بہاز آ ڈیہک ایران نا شیعہ لیکہ نا سوب آن بہس مسنو، خاص وژٹ مدل ایسٹ دانا بہلا مثیل ۽ اندا خاطران پاکستان ایران آن دا بابت بہاز خلنگ نا گواچی ۽ کہ ایران پاکستان ٹی ساڑی آ شیعہ آبائی ۽ کاریم ٹ ہتپ و پاکستان نا تہٹی مذہبی خانہ جنگی ٹس بش مف اندا خاطران پاکستان ایران تون نیامی سیالی ٹس توننگ نا کوشست ۽ کیک۔ پاکستان ایران تون خڑکی نا بابت اندن شش و پنچ نا گواچی خننگ اسہ کنڈا برادر ملک مننگ نا دعویٰ کیرہ ولے ارٹمیکو کنڈا گواچنیک تیوہ غا جتاء ۽۔ ہرافتا بہلا مثیل پاکستان و ایران نا نیام آگیس پائپ لائن مننگ نامہ ٹس کہ ایران و پاکستان نا نیمہ غان تدوکا 18 سال آپاش کنگانے ولے ایران نا کنڈان تینا پائپ لائن ۽ ایسر کنگ آن پد ہم پاکستان ۽ دانا زی آکاریم بناء ہم کتنے۔ داسہ زوتیٹ ایران پاکستان ۽ تزی تسنہ کہ اگہ او پائپ لائن ۽ جوڑ کتو گڑا 18

بلین ڈالر نا ایران ء داڑان نسخان مریک دا زر آک پاکستان آن
ہلنگرہ، دا اندا خس ء بھلو رقم ئسے کہ پاکستان نا تیوہ غا زر
مبادلہ ہم داخس مننگ کپسہ و پاکستان وڑ نا وڑ اسیت دا
مننگ نامہ آن پیش تمنگ نا کسر و در پٹنگ ء۔

پاکستان نا اوغانستان و انڈیا تون سیالی اوغانستان

اوغانستان تون پاکستان نا سیالیک کل آن گیشتر غنجل ء کہ
وختس دا دشمن و وختس دوست ء دافتا نیام ٹ ہر وخت
جنگ آتا لڑ برجاء ء۔ پاکستان نا اوغانستان نا بابت ارفوکا
فیصلہ غاک مدام بے سوگوی تا گواچی مریرہ و پاکستان نا
جند نا لخ ٹ لوپ مریرہ ہرانا بھلا مثل آتیان اسٹ طالبان ء
ہرادے دیہاڑی دروشم ٹ ہرس پاکستان نا جند جوڑانے ولے
اینو اندا طالبان جان سلامتی نا بابت پاکستان نا بھلا دشمن
جوڑ مسنو۔ پاکستان نا کنڈان اوغانستان نا بابت strategic
depth پالیسی مدام بے سہب مسنے، پاکستان strategic
depth policy نا ردٹ اوغانستان نا تہٹی پاکستان نا کٹھ۔
پتلی حکومت ئس جوڑ کنگ نا خواست کریسس تانکہ
اوغانستان نا وسیلہ ٹ پاکستان تیوہ غا ہند و خاص وڑٹ
سنٹرل ایشیاء و مڈل ایسٹ نا شیف و بڑزی تا تہٹی پاکستان نا
زیم ء گیشتر کے ولے دا شوربندی پاکستان کن مدام بے سوگوی
نا سوب جوڑ مسنے انتے کہ اوغانستان پاکستان ء مدام اسہ
دشمن ئسے نا وڑ ٹ ہرانے و اوغانستان نا لس مخلوق
پاکستان ء تینا دشمن ڈیہہ ئس سرید مریک۔ اندا وڑا ڈیورنڈ
لائن نا ویل ء ہرادے اوغانستان نا ہچو حکومت ئس ہچو
وخت ئسے آدا سیم ء منتے یعنی برطانیہ نا کشوکا سیم ہرا

ساڑی آپاکستان و اوغانستان نا سیمسر جوڑ مسنے پاکستان نا
بہاز آپشتون ہند ہراڑے پشتون آک آبات ء و دیہاڑی
حیثیت ٹٹ دا علاقہ غاک اوغانستان نا بشخ مسنو و اوغان
ریشونک دائسکان دافتنے تینا بشخ سرید مریرہ و اسہ اندنو
موقع ٹسے نا ودار ٹٹی ء کہ اوفک دا جاگہ تے تینا کوزہ ٹی
ہبتنگ کیر۔ پاکستان لکھ آتا حساب ٹٹ اوغان باہوٹی تے
بلوچستان و کے پی کے و ایلو بہاز آجاہ تیٹی جاگہ تسنے و
گیشتر دا بندغ آتے تینا سواد کن کاریم ٹٹ ہیسنے و داسہ
طالبان نا زی آزور شاغنگ نا خاطران دافتنے بے شرفی ٹٹ
پاکستان آن کشنگ ء ہرا پاکستان و اوغانستان نا سیالی تے
پاش کیک پاکستان دا بندغ تے بندغی نا بنیات آآخہ بلکن تینا
سواد آتا بنیات آجاگہ تسنے و پاکستان بلوچستان ٹٹ راجی
آجوٹی نا جہد ٹتون مون تننگ ء اوڑے پاکستان دا بندغ تے
بلوچ مخلوق نا آباتی ء اقلیت ٹٹی مٹ کننگ کن جاگہ تسنے و
اوغان باہوٹی تے بیرہ پنجاب، سندھ، اسلام آباد و خیبر
پختونخواہ نا گیشتر ہند آتیان کشانے ولے بلوچستان ٹٹی نہ
بیرہ دا باہوٹیک تولوک ء بلکن دافتا آباتی گیشتر مسنے۔
افغانستان نا بابت ہر وخت آ بے سوگو پالیسی تیان اوغان و
پاکستان نا سنگتی مدام خراب مسنے و طالبان حکومت نا
بننگ آن پد دا سیالیک گیشتر خراب مسنو۔ پاکستان مدام
اندا امیت ء تورینے کہ طالبان وختس اوغانستان نا تہٹی
حکومت ٹٹی بریک گڑا کابل نا تہٹی پاکستان نا زیم آک گیشتر
مریرہ، تحریک طالبان پاکستان، بلوچ باہوٹی و ایلو پاکستان نا
برخلاف مخلوق نا زی آپاکستان نا ایجنسیز آک کریک ڈاؤن
کیرہ و ارٹمیکو کنڈا پاکستان افغانستان ء سنٹرل ایشیاء و ہند
آتیٹی تینا اثر آتے گیشتر کننگ نا خاطران کاریم ٹٹ ہبتنگ کیک

ولے اوغان طالبان نا حکومت ٹی بننگ تون پاکستان نا سیالی
گیشتر خراب مسنے و اوغان طالبان بہاز جاگہ تیٹی پاکستانی
لشکر نا زی آجلہو کرینے و ٹی ٹی پی و ایلو بہیت آتیا پاکستان نا
بہیت آتا بنیات آ عمل کتنے و ہر آجو آریاست اندن کیک۔
پاکستان نا اوغانستان نا بابت گمان تا جند پیشن نا پالیسی تا
(فارن پالیسی) حساب ٹ مسنے کہ اینو چین و امریکہ نا ڈوٹی
کمپرومازے و ولے آزات و خود مختار آریاست آتا پیشن نا
پالیسی آزات و تینا جند ٹنا ریاست نا سواد آتا خاطر
کن مریک۔

پاکستان و خلیجی ڈیہک:

پاکستان نا پیشن نا سیوت آتا تہٹی بہلا تیان اسٹ خلیجی
ریاست آک ء کہ ہرافتیٹ متحدہ عرب امارت و اومان کون آ
ریاست آک اوارے۔ پاکستان نا دا ریاست آتیتون سیوت یا کہ
سنگتی نا بنداوی مسخت زر و مال ء و خلیجی ریاست آتیکن
پاکستان نا آبادی و ایلو بہاز آ بشخ آک سواد ء دنکہ یوای
ای، بحرین، اومان ء جان سلامتی نا بابت وخت وخت
پاکستان نا بکار مریک دنکہ یورپین ڈیہہ و خاص وڑٹ امریکہ
نا زی آدا ڈیہک تیوہ غا باور کنگ کپسہ، ایران تون بہاز آ
ڈیہہ تا سیالی خراب ء، سعودی فوجی حوالہ ٹ دنو سوگو ء
ریاست ٹس اف و اسلامی و ریبیدی بنیات آدا ڈیہہ تیکن
پاکستان گیشتر جوانو سیکیورٹی آپشن ٹسے انتے کہ پاکستان
اسٹ وا خرک ء ریاست ٹسے ارٹمی لشکری حوالہ ٹ بہاز جاہ
تیٹی دافتا خواست آتے ہم ایسر کنگ کیک دنکہ خلیجی
ریاست آک تینٹ لشکر و لشکری تاغت جوڑ کنگ آگیشتر
ے سوگو مسنو و ہندی سیکیورٹی کن ارٹمی ڈیہہ تا لشکر آتا

کمک نا زی آٹو، اونا مثل نئے زوتیٹ قطر ٹی فیفا ورلڈ کپ نا ایونٹ ٹ خننگ آبریک کہ قطر ایونٹ نا سیکیورٹی کن پاکستانی لشکر نا کمک ء ارفک و دا حوالہ ٹ پاکستان ء بھلو زر و مال ٹس تسے ارٹمیکو کنڈا یوایے ای کون آریاست ہند ٹنا چنکا بھلا شیفی و بڑزی تا تہٹی سیاسی حوالہ ٹ ہم پیہرہ گڑا دافتیکن گیشتر المی ء کہ اوفک پاکستان کون آریاست آتیتون خڑکی تخر انتے کہ لیکہ نا بنیات آ ہڑتوما سنی اسلام نا منوک ء و ارٹمیکو کنڈا پاکستان نا دا ڈیہہ تیتون روزگاری و دا ڈیہہ تا پاکستان تون سیکیورٹی نا بنیات آ ریلیسٹ گراؤنڈ آ بھلو سیالی ٹسے نا گنجائشت ارے۔ دانا ارٹمی سوب او ہند آ بھلو کچ آسیٹی پاکستانی تا ہمپ و لڈ و ڈائسپورہ ء ہرا بھلو کچ آسیٹ او ڈیہہ تیٹی ہنڈے، خاص وڑٹ 1970 آن پد بھلو کچ آسیٹ مزور آک پاکستان آن خلیجی ڈیہہ تیٹی روزگار کن ہنڈے و دافتا خاہوت آک پاکستان ٹی ء داڑان ہڑتوما کنڈ آتا بندغ آتا اسٹ ایلورٹون روزگاری سیالی جوڑ مسے و دا ہڑتوما کنڈ آتا سواد نا سوب جوڑ مننگ ء۔ پاکستانی معیشت نا توننگ ٹی دا ڈیہہ تیٹی آباد آ بندغ آتا بھلو کڑڈ ٹسے، دنکہ دا بندغ آک پاکستان ٹی Remittance رائی کیرہ ہرا پاکستانی foreign exchange اکن سوگو وسیلہ ٹس جوڑ ء۔ اگہ ہننگ مرے گڑا سیاسی بنیات آدنو بھلو اسٹ ایلو کن کمک اس افس ولے روزگاری و جانسلامتی بنیات آ ہڑتوما ڈیہک اسٹ ایلو نا کاریم ٹ بننگ ء اندا خاطران پاکستان نا مدام کوشست ء کہ دا ڈیہہ تیتون تینا خڑکی ء زیات آن زیات سوگو کیو دنکہ پاکستان بھلو کچ ٹسے آگیس و تیل اکن اندا ڈیہہ تا زی آٹے و ارٹمیکو کنڈا دا ڈیہہ تیکن پاکستان نا لشکر بہاز اہمیت تخک انتے کہ خواست آتا بنیات آ دافتیکن کاریم

کیک، بہاز خلیجی ریاست آئیٹی پاکستانی لشکر ء advisory کڑڈ ٹس ارے۔ اگہ ریلیسٹ گراؤنڈ آ چمشانک ٹس شاغنگ مرے گڑا الم دا چائنگک کہ دا ڈیہہ تیکن اسٹ ایلو نا سیالی بہاز اہمیت تخک و ہموتم اسکان کہ بھلو کچ ٹسے آ ہند ٹی یا دا ڈیہہ تیٹی مٹی ٹس بتنے دا سیالی اندا وڑ برجاء مرو ولے ساڑی آ پاکستان نا سیاسی حالت آک دا ڈیہہ تیٹی دا سوچ ء ودی کنگ ء کہ پاکستان آن انڈیا تون خرکی دافتیکن گیشتر سوادى ء و comparatively ہننگ مرے گڑا چائنگک کہ انڈیا نا روزگاری سیالی دا ڈیہہ تیتون پاکستان آن گیشتر سوگو ء یعنی دا ڈیہک روزگاری بنیات آن انڈیا و ایلو دنکہ دے کہی (مغربی) ڈیہک و چین ٹتون بھلو سیالی ٹس تخرہ، پاکستان دا ڈیہہ تیکن بس جانسلامتی بابت المی ء پاکستان نا لشکری تاغت اگہ نزور مرے گڑا دا تیوہ غا خرکیک ایسر مننگ کیرہ۔

پاکستان نا پیشن نا پالیسی نا ے سہی

اگہ جہان و خاص وڑٹ دا ہند ٹی ہننگ مرے گڑا پاکستان نا پیشن نا پالیسی کل آن گیشتر بھس ء، چین، انڈیا، ایران، سعودی، اوغانستان و ایلو کل ڈیہک تینا تینا ہند آئیٹی چنک بھلن اہمیت جانسلامتی و روزگاری ہڑتوما حوالہ تیٹ سوگو خننگرہ ولے وختس کہ ہیت پاکستان نا مرے گڑا اینو پاکستان جہان ء الے تینا ہند ٹی اسہ ڈیہہ ٹسے نا زی آ چنکو ہم اثر ٹس تخپک بلکن اونا جند اسہ کنڈا چین، اسہ کنڈا امریکہ و بہاز حد اسکان سعودی نا اثر آتا تہٹی ء۔ پاکستان نا پیشن نا پالیسیک آزات افس ولے بہاز جاگہ غا کمپرومانز ء، ڈیہہ ٹی روزگار نا گر و دار، گڑا تا نہاد آتا گیشتر فیصلہ آئی ایم ایف و

ایلو بھلا اکنامک چینل آک کیرہ۔ اندا وڑا اگہ سیاسی بنیات آ ہم ہننگ مرے پاکستان تنیائی (isolation) نا گواچی ء، کشمیر ویل پاکستان نا پیشن نا پالیسی تا بھلا ویل مسنے و تینا کل آگواچن تے کاریم ٹٹ ہیسنے کہ کشمیر ٹٹی انڈیا نا ہرفوکا فیصلہ تے اثرمند کے ولے اینو جہان نا بچو ڈیہہ اس انڈیا نا برخلاف پاکستان نا کشمیری پالیسی نا مخ تفی ء کپک بلکن گیشتر ریاست آک انڈیا تون تینا سیالی و خڑکی تے سوگو کنگ نا کوشست کنگ ء۔ کشمیر ویل آتیا مننگ پاکستان نا پیشن نا پالیسی تا لے سہی نا بھلا مثیل ء، ارٹمیکو کنڈا اوغانستان نا تہٹی پاکستان نا مدام بے سہب آپالیسی ہراٹی یو ایس ایس آر نا وخت آ یو ایس نا کمک و طالبان نا جوڑ کنگ و پدا اوفتے حکومت ٹٹی ہننگ کن کمک کنگ، پدا طالبان نا برخلاف اوفتا حکومت ء ہننگ ٹٹی امریکہ نا کمک کنگ، پدا طالبان ء ولدا حکومت ٹٹی ہتنگ ٹٹی طالبان ء کمک کنگ و ساڑی آحالیت آتیٹی پدا طالبان نا برخلاف جہان نا کل تلہ آتیٹی ہیت کنگ و اوغانستان و طالبان ء ڈیہہ ٹٹی خراب حالیات تا زمہ وار پاننگ، جہان نا مونا پاکستان نا پیشن نا پالیسی تا لے سہی نا ساف و پاش آمثیل آک ء۔ پاکستان اینو جہان ٹٹی ہچو پلیٹ فارم ئسے نا بھلنی نا حیثیت ٹٹ کاریم ٹٹی اف ونے کہ بھلا ادارہ تیٹی اونا نمائندگی ئس ارے، بریکس کون آہندی تاغطور سیوت (الائنس) ہراٹی انڈیا و چین کون آ بھلا نا دوست آڈیہک اسٹ ایلو تون کاریم کنگ ء، سعودی، ایران کون آڈیہک اونا بشخ جوڑ مسنو ولے پاکستان کن اوٹی جاہ اف۔ SAARC کون آساؤتہ ایشین الائنس ہراٹی پاکستان اونا اہمیت تخوکا بشخ آتیاں اسٹ ء ولے تیوہ بے کار ء۔ پاکستان اینو ہندی و جہانی سیمسر آتا تہٹی تیوہ بے سہب ء

ریاست ئیسے و دے پہ دے آن گیشتر ے سہب مریسہ ے۔ اینو جہان نا اسہ بھلو تاغت اس ہم پاکستان نا زی آ باور کپک، ہچ وڑو جہانی الاٹنس اس پاکستان ے جاہ تننگ کن تیار اف، دا ہند ئنا کل ڈیہک داڑاسکان کہ اوغانستان ٹ طالبان حکومت ہم انڈیا تون تینا خرکی و سیالی ے پاکستان آن گیشتر جوان سرید مریک و اوغانستان نا تہی داعش و ایلو گروپ آتا ایکٹوکننگ نا زمہ وار پاکستان ے سرید مریک۔ داڑان پاکستان نا جہانی و ہندی سیاسی اہمیت چائنگ۔ پاکستان نا پیشن نا پالیسی نا گڑاس سرسہبی: اندنکہ نن پاکستان نا ے سہی تیا ہیت کننگ ئسون کنا خیال آ دا ہم المی ے کہ نن پاکستان نا سر سہب آڈپلومیسی تے ہم ہرن تانکہ پہہ مرین کہ پاکستان ریاست ئیسے نا بستار ٹ انت وڑ ٹ تینے مون آدننگ ے دانا بابت ہم ننتون سریدی ئس مرے۔ پاکستان بہاز آتلہ آتیٹی ے سہی نا گواچی ے دا چائنگ نا بکارے کہ پاکستان اسہ ریاست ئیسے و اوڑتون دا وخت آ 5 لکھ آن بڑز ایکٹو ے فورس ئس ارے۔ داڑان پد ہم چین و امریکہ و ایلو ڈیہک پاکستان آن ساڑی آ وخت ئی خاص ے سواد ئس ارفنگ افس ولے دا وخت اسکان بہاز حوالہ تیٹ دا ڈیہہ تے کمک کننگ ے کہ اینو دا ڈیہک پاکستان تون تینا سیالی و خرکی ے برجاء تخانو دنکہ پاکستان نا دروغ آ NON-Alignment policy ے کہ پاکستان امریکہ ے دا ہیت آ باور کرفنگ آ سرسہب مسنے کہ پاکستان چین ئنا گلوبل پالیسی تا بشخ اف و او داڑے امریکہ نا سواد آتا خیال ے تخک ہرانا اونا بھلا مثیل امریکہ نا گیشتر سیکوریٹی پالیسی تا پاکستان نا کنڈان مخ تفی کننگ ے دنکہ بہاز آچاچ ہلوک آک اندا پارہ کہ اوغانستان نا تہی ایمن الظواہری نا زی آ جملہو پاکستان نا ڈیہہ آن و لشکر نا کمک آن مسنے یعنی

جاگہ نہ جاگہ ئسے آ پاکستان امریکہ ء دا ہیت آ باور کرفنگ آ
سرسہب مسنے۔ اندا وژ چین ئتون ڈپلومیسی ہراڑے بہاز آ
سیکیورٹی ویل و جلوہ تیان پد ہم پاکستان چین ء دا ہیت ئنا
زی آ متغینے کہ او بلوچستان ئٹی تینا سرمایہ کاری ء ایسرکپ و
پاکستان ئٹی سی پیک نا حوالہ ئٹ بہیم آک اریر۔ اندا وژا نن
خلیجی ڈیہہ و عرب ڈیہہ تیتون ہم پاکستان نا سیالی و
ڈپلومیسی نا چنکو سرسہبی ئس خنینه و پاکستان کوشست
کننگ ء کہ دا ڈیہہ تے بلوچستان آ سرمایہ کاری کن ہتے۔
دنکہ نن پاننگ کپنہ کہ اینو دشمن جہانی تلہ غا بہاز سرسہب
ء ولے ہئو دا ہم پاننگ مفک کہ تیوہ غا بے سہب ء۔ ولے اگہ
دا ڈیہہ تا سیکیورٹی خواست آک پورو متوس، امریکہ و چین
ئنا سیکیورٹی خواست آک پورو متوس و پگہ اگہ ہڑتوما
ریاست آک بھلو جنگ ئسے نا کنڈا ہنار گڑا پاکستان نیوٹرل
مننگ کپک انتے کہ بہاز حوالہ آتیٹ ہڑتوما ڈیہہ تا آئری ء و
اسہ کنڈ آ ہچ بلاک ئسے نا ہمراہ داری ء ہم کننگ کپک انتے
کہ ہڑتوما نیمہ غان پاکستان نا روزگاری و سیکورٹی سواد آک
اریر۔

پاکستان نا تہہ ئنا ویل آک

روزگاری ویل

پاکستان دا وخت آ تینا دیہاڑ نا بھلا روزگاری نیستی نا گواچی
ء۔ ڈیہہ ئٹی برآمد تینا گڈیکو جاگہ غا سر ء، یعنی پاکستان آن
اینو جہان نا ہچ جاہ ئسے آ جوانو گڑاس ایکسپورٹ مننگ اف

و درآمد بہاز گیشتر مسنے۔ پاکستان نا ایگریکلچر سیکٹر بہس مسنے، سرمایہ کاری مفننگ نا برابرء، گڑاس ڈیہہ ہرا سرمایہ کاری کنگ ء دنکہ چین کون آریاست او ہم بلوچ سرمچار و ایلو سلہہ بند گل آتا جلمو تا سوب آن تینا سرمایہ کاری ء گیشتر کنگ افس و سیکورٹی نا بنیات آ پاکستان ٹٹ دے پہ دے سرمایہ کاری ء کم کنگ ء۔ سعودی و ایلو ڈیہک ہم پاکستان ٹٹ سرمایہ کاری کنگ نا خواست تخنگ افس کہ دا ڈیہہ ٹی سرمایہ کاری نا ہچ وڑو چاگڑد اف۔ کوزہ گیر آ پاکستان ہرا جہان ٹی وام و فنڈز آتازی آروان ء او ہم ڈیہہ ٹنا وس آن پیشتمنگ ء۔ مسکوہی بجٹ ہرادے سرکار پیش کریسس او بجٹ نا 52 درسد وام تیٹی کائک یعنی اسہ ڈیہہ ٹے آن وام ہرفنگ و ایلو ڈیہہ ٹنا وام تے تنگ دا وڑ ٹٹ ڈیہہ ٹنا وامک گیشتر مریسہ کیرہ۔ پاکستان نا foreign exchange زر آک انداخس ء ہرا اسہ ٹو ٹس ڈیہہ ء دننگ کیرہ یعنی 10 بلین نا کچ آٹو و اگہ آئی ایم ایف تینا اسہ بیل آؤٹس وخت ٹنا زی آتف ڈیہہ ایکنومک کنگالی نا گواچی مریک یعنی مارکیٹ نا جند کریش مریک۔ پاکستان نا روزگاری ہمراہ ہرا ہنوکا بھلو وختس ٹے آن دا ڈیہہ ٹنا تہٹی روزگار نا دروشم ٹٹ تینا سیاسی سواد آتے ہلنگ نا خواست تورینو مدان مدان دا ہیت ء مارنگ ء کہ دا ڈیہہ ٹی اسہ ویل ٹس اف بلکن ریاستی و فوجی کرپشن ہم اندن بہاز ء کہ چینی آفیشل ٹس گڑی آمیڈیا ٹی ہیت کنگ بنا ء کرینے کہ سی پیک نا تہٹی کرپشن نا حوالہ ٹٹ transparency افک یعنی دا ریاست نا تہٹی سرمایہ کاری نا معنہ زر ہلنگ، کنگ و گیشتر کرپشن کنگ ء و اندا زر آک گڑاس جرنیل و لشکر نا بھلا تیکن کاریم ٹٹ ہتنگ منگ ء۔ بیرہ پیشن نا سرمایہ کاری آخہ بلکن تہہ

ٹنا سرمایہ کاری و کاروبار ہم اندن زوال و کریشن نا گواچی ء ہرانا بہلا مٹیل ریاض ملک کون آ بہلا بلڈرز آک ء ہرا زوراک ء تاغت ئسے نا دروشم ٹ ڈیہہ ٹی زر ہلنگ و پدا دافتے پیشن دننگ ء۔ ڈیہہ ٹنا گیشتر آسیاست دان و جرنیل آتا ارا، جاگہ، و زر آک دا وخت آ ڈیہہ آن پیشن ء و گیشتر کاروبار آک ہم پاکستان آن پیشن ء۔ پاکستان اندن لاجار مسنے کہ داسا تینا تیوہ غا ریاستی مڈی (assets) تے مدان مدان آ privatisation نا کنڈا دننگ ء انتے کہ ڈیہہ ٹتون دا مون آ دننگ مننگ افس و دانا بہلا مٹیل پی آئی اے ء ہرا سرکاری ایئرلائن اس ئس و سرکار چلیفنگ ئس تہ و لے سرکار داسا دادے چلفنگ کننگ اف و دادے پرائوٹائز کننگ ء یعنی روزگار نا بابت بلکن ریاست دا وخت آپاش دیوالیہ اف و لے گواچن ٹ ریاست نا حال دیوالیہ آن ہم گندہ ء ہرانا بہلا مٹیل سالانہ لکھ آتا کچ آ بندغ آتا پاکستان آن پیشن ہننگ و پیشتمنگ نا کوشست و جہد ء۔ ہر سال پاکستان آن لکھ آتا کچ بندغ آک پیشن کارہ و ہموڑے ہندی مریرہ داڑے کسس کاروبار کننگ و تولنگ خوائپک۔ جہان نا ایلو ریاست آتیتون روزگار نا بابت ہچ وڑ مون تننگ کپک۔ ریاست نا روزگاری تاغت ء بہس کننگ ٹی بلوچ جہدکار آتا بہاز بہلو کڑد ئس ارے ہرا اینو چین و ایلو بہلا تاغت آتے بلوچستان ٹی سرمایہ کاری کننگ کن تیوہ غا یلہ البتنو۔ چین بہاز کوشست و جہد کننگ ء کہ بلوچستان ٹی روزگاری کاریم تا پن آتینا اثر آتے دا ہند ٹی گیشتر کیو ہراڑان پاکستان نا روزگاری حالیت آک ہم جوان مننگ کیہہ و لے اینو بلوچ جہدکار آک مَش ٹنا وڑ چک سلوک ء، و بلوچستان ٹی خواہشست آتینا بیدس ہم لٹ و پل او کچ آکننگ کپسہ۔ پاکستان سیاسی، لیکھی، چاہنداری، اسلامی،

روزگاری بلکن ہر حوالہ ٹٹ اینو اسہ ے سہب ریاست ئیے نا دروشم ٹٹ ننا مون آٹے و ہر ڈیہہ اوڑتون سیالی و خڑکی تخنگ نا بابت پام تننگ اف۔ گیشتر ہمسایہ غا ڈیہہ تیتون کاروبار کنگ آن ریاست نا روزگاری حالیت جوان و سوگو مننگ کیک ولے اگہ نن پاکستان نا ہیت ے کین گڑا پاکستان نا دامون و ایمون ساڑی آکل ریاست آک دا وخت آپاکستان تون جنگ کنگ ے یعنی پاکستان نا مذہبی انتہا پسند آ بندغ آتے جاہ تننگ، رودفنگ، ارغ تننگ و ڈیہہ تیٹی ایکٹو کرفنگ نا سوب آن دا ڈیہک پاکستان تون جنگ کنگ ے۔ اندا تدوکا ارا مسہ سال ٹٹی اوغانستان، ایران و ہندوستان پاکستان نا تہٹی جلمہو کرینو کہ او دافتا برخلاف جنگ کروکو گل و بندغ تے جاہ تسنہ و دافتا برخلاف جنگ کنگ کن پاریے۔ پاکستان نا تہٹی اینو ہچ وڑ نا بھلو سرمایہ کاری اس مننگ اف، اونا ے سہبی تیٹی؛

1- یکہ چین دا وخت آپاکستان نا تہٹی سرمایہ کاری کنگ کن کوشست کنگ ے اونا ہم سیالی بلوچستان تون ے ہرا سیاسی و جغرافیائی سواد آتیتون گنڈوک ے ولے اوفتے بلوچ جہد اینو اسہ بھلو حد ئیے اسکان کاؤنٹر کرینے ولے چین کوشست کنگ پاکستان ے بلوچ راجی جہد ئنا برخلاف کمک کنگ کن انتے کہ اونا بھلا سواد آک انداڑے گنڈوک ے۔ 2- پاکستان ٹٹی روزگاری کاریم تا بابت ہچ وڑ نا transparency افک و ریاست تون اوار ریاست نا کل ادارہ غاک کرپٹ ے و کرپشن ے روزگاری وسیلہ ئس سرید مریرہ۔ 3- پاکستان نا foreign exchange گنڈوک ے remittance تون، ہرا مدان آکم مریرہ ے و پیشن آن بندغ آک پاکستان آزر رائی کنگ کن ہچبر تیار افس۔ 4- کین نہاد نا سوب آن پاکستان ٹٹی گڑا بہا ٹٹ ہلنگ نا رجحان کم بہاز کم مسنے ہراڑان گیشتر کمپنیک نسخان ٹٹی

ہینگ ۽ گڑا بہاز آکمپنیک تینا کاروبار تے پاکستان ٹی بند
کننگ ۽۔ 5- ایگریکلچر پاکستان نا بہلا روزگاری وسیلہ ۽ ولے
ریاست نا پالیسی تا سوب آن اینوزوال نا گواچی ۽ ولے پہ دے
آن گیشتر زوال مریسہ ۽۔ 6- امرہ ہم ریاست اسپکن اونا
انڈسٹریل سیکٹر بہاز اہمیت تخک ولے اینو پاکستان نا تہی
انڈسٹریل سیکٹر انرجی مفنگ نا سوب آن بہس ۽، بلوچستان
و سندھ آن گیس و بجلی نا ہرفنگ آن بیدس ہم پاکستان نا
انڈسٹریل سیکٹر ے سہب مسنے۔ 7- پاکستان نا foreign
reserve دے بلین آن بڑز اف و مدام اندا نیام ٹی ۽ یعنی
ساندہ دیوالیہ نا لیک ٹنا زی آٹے ہرانا سوب آن کسس داڑے
تولنگ و کاروبار کننگ ۽ تینکن رکھوک سرید مفک۔

سیاسی عدم استحکام، پی ٹی آئی، فوج و طاغت نا جنگ

ایہن تو پاکستانی فوج نا سیاسی و غیرسیاسی بہاز آفیصلہ
غاک پاکستان ۽ بہلو دون اسپٹی ہٹینو و ہر وار پوسکنا
آزموندہ آتیتون فوج تینا جند و ریاست ہرٹوما تے نسخان
تننگ ۽۔ پاکستان تحریک انصاف ہرپی ٹی آئی نا پن آ
چاننگک و ہرانا کسرشون عمران خان ۽ دا پارٹی ۽ جوڑ کروکا
ہم عمران خان ۽۔ پاکستان نا ایلو سیاستدان آتا وڑ عمران
خان سیاست ٹی تینا اولی دے تیان اف، او اسہ وخت کرکٹر
اس مسنے و 1998 نا وخت آتیٹ تینے پاکستانی سیاست ٹٹ
اوار کیک و پی ٹی آئی نا بنداؤ ۽ تخک۔ ایہن تو پاکستان ٹٹ
ہچو پارٹی اس فوج نا کمک آن بیدس مین اسٹریم آبتنے ہندا
وڑ اسپکہ نواز شریف و پیپلز پارٹی ۽ اوفتا وخت نا فوجی و آئی
ایس آئی کماش آک مونا ہیسر و مین اسٹریم پارٹی جوڑ کریر و

ہر پارٹی ء مین اسٹریم کنگ نا مسخت ایلو پارٹی ء نزور کنگ و فوج ء سیاست ٹ زیات سوگو کنگ نا مسنے۔ یحییٰ خان پیپلز پارٹی ء عوامی نیشنل لیگ نا برخلاف مونی ہتیک و بنگلادیش نا پوزیشن ء نزور کنگ خواہک، ہندا وژ نواز شریف و مسلم لیگ ن ء جنرل ضیا الحق مونی ہتیک تاکہ پیپلز پارٹی ء توننگ کے و اونا جاگہ غا نون لیگ ء سیاست ٹ سوگو کے، ہندا وژ عمران خان و پی ٹی آئی ہم جنرل راحیل شریف و خاص وژٹ جنرل باجوہ نا وخت آ مونی ہتنگک و سوگو کنگک تاکہ نواز شریف و آصف زرداری تون اوفتا پارٹی مسلم لیگ ن و پیپلز پارٹی نزور کنگ ہرانا سوب آن پاکستان نا تہی پوسکنو تہہ ٹنا جنگ اس بنا مریک و دائسکان برجاء۔

دا وخت آ عمران خان زندان ٹ بندی ء، زور ٹ مروکا گچینکاری تیٹی سرسہب کروکا ن لیگ دا وخت آ فیڈریشن ٹ حکومت ء چلفنگ ء و گواچن ٹ دا حکومت نا جند ء فوج چلفنگ ء ولے پن ٹنا خاطران دادے ن لیگ و پیپلز پارٹی سیوت نا پن تننگے۔ ایلو پارہ غا عمران خان و اونا پارٹی دا وخت آ پاکستان فوج ء خاص وژٹ سوشل نیٹ ورکنگ ایپ آتیٹی اسل بہاز بدنام کرینے و پاکستان ٹ سیاسی instability نا سوب جوڑ مسنے۔ ایلو پارٹیک ہرافک درو عمران نا برخلاف پی ڈی ایم حکومت نا بشخ مسوسر تاکہ عمران خان ء حکومت آن ڈفر، داسا پی ٹی آئی تون الائنس کرینو تاکہ ن لیگ و پیپلز پارٹی نا حکومت ء نزور کیر دافتیٹی پشتونخوا میپ، اختر مینگل نا بلوچستان نیشنل پارٹی، مولانا فضل الرحمن نا جمیعت علماء اسلام (ف) ہرافتے تینٹ کسر و نظریہ اس اف، و ہرا وخت ہم دا بندغ آک فوج آن است گٹہ مسرگڑا اپوزیشن ٹی تولرہ سیاست ء بنا کیرہ، و بہاز آ پارٹیک

اسٹیبلشمنٹ تون تفوک ء ہندنکہ بلوچستان عوامی پارٹی، ایم کیو ایم پاکستان، پاکستان استحکام پارٹی و ایلوک ہرافتا سیالی فوج ٹتون ء و ہراڑے کہ فوج خواہک دافتے ہمو کند آ رائی کیک۔ ایہن تو پاکستان کن سیاسی عدم استحکام پوسکنو گڑا اس اف ولے ہر وار پاکستان مدام سیاسی بنداؤ آ عدم استحکام نا گواچی مسنے دنکہ ہچو حکومت ئسے فوج پورو چلفنگ کن الیتنے و مدام اونا برخلاف طاغت اس تورینے ہرانا بنداوی مسخت بنجاہی حکومت آ زور شاغنگ مسنے تاکہ مالی، سیاسی، پیشن نا پالیسی و ایلو اہمیت تخوک پڑ آتیا فوج نا زیم و دو شاغنگ ء سوگو کے۔ داسا نا سرکس نا بنداؤ ہمو وخت مریک ہراتم 2013 نا الیکشن ٹٹ نواز شریف حکومت ئٹی بریک و راہیل شریف پدا ارٹمی وار فوج نا کماش مننگ نا ہیت ء کیک ولے نواز شریف اونا دا ہیت ٹتون راضی مفک گڑا جنرل راہیل شریف ہرا او وخت آ پاکستانی فوج نا کماش مریک نواز شریف نا حکومت ء بلیک میل کنگ بناؤ کیک، عمران خان و طاہر القادری ء نواز شریف حکومت نا برخلاف میدان ٹٹ ہتیک۔ دا مارچ و ہڑتال کیرہ دافتے پد پشت فوج نا بھلو کمک اس دوئی مریک و دا حکومت آ بھلو کچ ئسے اسکان زور شاغنگ ٹٹ سرسہب مریرہ و عمران خان پاکستانی سیاست ئٹی مین اسٹریم کنگگ۔ جنرل باجوه نا ہنگ آن پد دا پالیسی آ سوگو ء دروشم اسپٹ کاریم کنگ بنا مریک تاکہ مون نا حکومت اسکان نواز شریف ء حکومت آن کشنگ مرے و عمران خان نا حکومت ء ہتوئی مریک۔ گچینکاری تیان سال ئس مست 2017 ٹٹ ثاقب نثار ہرا او وخت ئنا چیف جسٹس آف پاکستان مریک، فوج نا پاننگ ٹٹ نواز شریف ء مرگ اسکان نا اہل کیک و اودے بھلا وزیری

آن کشنگگ، الیکشن کن نا اہل کننگگ تاکہ او الیکشن ٹٹ
 بشخ ہلنگ کپ و الیکشن ٹٹ عمران ۽ مونی و حکومت ٹٹ
 ہتنگگ۔ او وخت آ فوج ۽ ہندا گمان مریک کہ عمران خان
 او فتا دوو ئنا دتک ئس مروئے و فوج نا فرمان آتا پابند مرو و
 تیوہ آ طاغت و وس فوج نا دوئی مرو۔ ہراتم کہ عمران خان ۽
 فوج نا پارہ غان حکومت تننگگ گڑا نواز شریف و اونا چُنا تے
 بند کننگگ، ہندا وڑ پیپلز پارٹی ہم جتا کننگگ، حالانکہ پیپلز
 پارٹی ۽ سندھ نا کچ اسکان حکومت تننگگ ولے بڑز ئنا جاگہ
 آتی پیپلز پارٹی ہم تیوہ ۽ وس کننگگ و پنجاب، بلوچستان
 و خیبر پختونخوا ٹی عمران خان مونی ہتنگگ۔ منہ سال
 اسکان حالیت آک فوج نا حق ٹٹ مریرہ انتئے کہ عمران خان
 روبروٹ نا ڈول فوج نا امیت آتا زی آکاریم کیک، ولے حکومت
 کننگ نا بودناکی نا مفنگگ، باجوہ ۽ دوارہ فوجی کماش جوڑ
 کننگ نا حق ٹٹ مفنگگ، نواز شریف، فضل الرحمن، پیپلز
 پارٹی و ایلو مین اسٹریم پارٹی تا فوج نا برخلاف مننگ و فوج نا
 برخلاف ہیت کننگ، پی ڈی ایم نا سیوت نا مونی بننگ
 ہراڑے فوج نا برخلاف 12 آن زیات پارٹیک اسہ جاہ مریرہ و
 فوج نا برخلاف گپ کننگ ۽ بنا کیرہ و فوج آ زور شاغرہ کہ
 عمران خان تینا وخت ۽ پوروکپ، اسہ پارہ غا پی ڈی ایم فوج
 آ زور شاغنگ مریک، ایلو پارہ غا بھلو مچی و ہڑتال، مستمیکو
 پارہ غا پی ڈی ایم نا فوجی لابی اسٹیبلشمنٹ ٹٹ ہم ایکٹو
 مریک تاکہ عمران خان نا کمک ۽ یلہ کیر و اسہ پارہ غا دا
 پارٹیک تینا پیشن نا وس و واک آتے ہم کاریم ٹٹ ہتیرہ و فوج ۽
 بلیک میل کننگ نا کوشست کیرہ کہ فوج عمران خان نا کمک
 ۽ یلہ کے، ہمو وخت اسکان دا جاگہ، خاص وڑٹ اوغانستان
 ٹٹ سیکورٹی ویل آتا مونی بننگ، طالبان آتا طاغت ٹٹ بننگ

آن خڑک مننگ، بلوچستان ٹٹ تحریک نا پوسکنو دروشم
 اسیٹی ترند مننگ آن پاکستانی فوج نا خلیس نا گواچی مننگ،
 و ارٹمیکو پارہ غای پی ٹی آئی نا پارہ غان پاکستان نا زرگزرائی ء
 بہس کننگ، آئی ایم ایف نا ڈیل ء دستخط کننگ، وام آتا کم
 مننگ، امریکہ نا پارہ غان پاکستان نا فوجی کمک ء بند کننگ
 و ملک ٹٹی سیاسی چاگرڈ نا مٹی بدلی نا پاکستانی فوج ء دا کل
 آتا زمہ وار پاننگ۔ فوج ٹٹ ساڑی آلابی نواز شریف ء زندان
 آن کشنگ و پدا علاج کن پیشن ہننگ کن یلہ کننگ، نواز
 شریف نا پیشن ہننگ تون اوار نواز شریف فوج نا برخلاف
 زیات جوانو وڑ اسیٹ ایکٹو مریک و تینا پیشن نا لابنگ ء
 زیات سوگو کیک۔ پاکستان ہموکان اسہ سیاسی عدم
 استحکام ئسے نا کنڈ آکاپک۔ فوج ٹتون کسر رپینگیپ کہ او
 انت کے، گڑا فوج ٹٹی ایلو لابیگ ہرافتا سیالی عاصم منیر،
 جنرل ندیم انجم و ایلو جنرل آتیتون مریک او باجوه و فوج ء
 دا ہیت آامنا کرفرہ کہ عمران خان نا کمک کننگ آن فوج نا
 پن و اہمیت خراب مسنے، پاکستان مالی بنداؤ آدیمروی کننگ
 اف، پاکستان ٹٹ سیاسی و سیکورٹی ہڑتوما ویل آک خراب ء
 گڑا عمران خان ء داسہ فوج کمک کپ۔ دا فیصلہ غا کاریم اسہ
 دم تون بنا مریک 2022 ٹٹ کور کمیٹی نا فیصلہ غان پد فوج
 تینے سیاسی ویل آتیاں کشیک، ایلو پارٹی و کسرشون آک
 ہراتم حکومت آن کشنگار گڑا تینے جتا کریر ولے عمران خان
 اوفتا وڑ کپک و ہچ وڑ ٹٹ کرسی آن دڑنگ کن تیار مفک، دا
 بابت ٹٹ او بھلو تیاری اس کیک، تینکن چاگرڈی حوالکاری
 تلہ (سوشل میڈیا) غا ٹولی اس جوڑ کیک، فوج نا برخلاف
 بیانہ اس جوڑ کننگ بنا کیک، و فوج ء بلیک میل کننگ بنا
 کیک تاکہ او کنے کمک کننگ یلہ کپ، انتئے کہ دا ہیت عمران

خان ء جوان سما مریک کہ آگہ فوج اونا کمک ء یلہ کرے گڑا
 او no confidence motion ء توننگ کننگ کپک و او
 حکومت آن کشنگ گڑا عمران خان فوج ء بلیک میل کننگ
 نا تیوہ غا تیاری تے تینا بھلا وزیر نا نیام ٹ کیک و فوج ٹ
 تینکہ اسہ ٹولی اس جوڑ کننگ نا کوشست کیک ہرا فوج آ
 زور شاغنگ کے۔ دنکہ ایلو پارٹی تا نسبت پی ٹی آئی نا چاگڑدی
 حوالکاری تلہ نا ٹولی بھاز سوگو مریک و پاکستان و پاکستان
 آن پیشن ہڑتوما ہند آئیٹ میڈیا ء کاریم ٹ ہتنگ نا خاص ء
 ترتیب اس جوڑ کننگ، پی ٹی آئی نا چاگڑدی حوالکاری تلہ نا
 کاریم تا زی آمونی ہیت کرون۔ عمران خان حکومت آن
 کشنگ تون اوار یکجہ فوج نا برخلاف بیانیہ ٹس جوڑ کننگ
 بنا کیک و فوج نا برخلاف جتاء ء دروشم اسیٹ مونا بریک۔
 ہنداکان پاور گیم بنا مریک، اسہ پارہ غا پیپلز پارٹی، ن لیگ و
 ایلو پارٹیک، ولے دا پارٹی تے اسہ گڑاس جوانی ٹ سما مریک
 کہ آگہ عمران خان بھلا وزیر مس گڑا او جنرل فیض ہرا عمران
 خان نا خڑک ء بندغ اس مریک و آئی ایس آئی نا کماش مریک
 اودے آرمی چیف جوڑ کیک و آرمی چیف کننگ تون اوار پین
 پنچ سال اسکان عمران خان نا حکومت ء فوج نا کمک
 رسینگ گڑا عاصم منیر نا ٹولی زیات سوگو مریک و باجوہ و
 ایلو فوجی بھلاک منفگرہ کہ او پی ٹی آئی ء داسہ کمک کپس
 ہنداکان فوج و پی ٹی آئی نا نیام ٹ فرق اس بنا مریک و پدان
 لیگ و پیپلز پارٹی و ایلوفک دوارہ حکومت ٹ ہتنگرہ۔
 ہنداکان اسہ پوسکنو جنگ اس بنا مریک و او جنگ فوج و پی
 ٹی آئی نا نیامٹ مریک۔ فوج نا کوشست ہندا مریک کہ او دا
 کل سیاسی شیفی بڑزی تیان پیشن پاش وڑٹ لس مخلوق نا
 مونا تینے نشان ایتے، ارٹمیکو کنڈ آ پی ٹی آئی نا کمک کننگ ء

ہم بند کے و ہنداکان اسہ پوسکنو جنگ اس بنا مریک ہرادے
نن مونی سرپند مننگ نا کوشست کروں۔

فوج، پی ٹی آئی و چاگڑدی حوالکاری تلہ (سوشل میڈیا)

ہندنکہ بڑز آنوشته مروک ء کہ پی ٹی آئی تینا بیانیه ء منفنگ
کن ایلو پارٹی تیان جوان و سوگو ء دروشم اسیٹ چاگڑدی
حوالکاری تلہ ء کاریم ٹ ہتنگ ء۔ فوج نا کوشست آتیان
بیدس پی ٹی آئی فوج ء دا سیاسی منظرنامہ و دانا بنماسی زمہ
وار مننگ آن پیشتمنگ کن النگ اف و فوج نا برخلاف بیانیه
اس جوڑ کنگ ٹ سرسہب مسنے۔ سیاسی حکومت نا بدل
ٹ فوج ء ٹک کنگ تون پی ٹی آئی ریاست نا جند ثنا طاغت
ء بلیک میل کنگ کہ دارے ریاست و ریاست نا تیوہ غا
دارومدار بیرہ فوج ء۔ ہندا مسخت و بیانیه ء لس بیانیه اس
جوڑ کنگ کن پی ٹی آئی چاگڑدی حوالکاری تلہ ء سوگو ء
دروشم اسیٹ کاریم ٹ ہتنگ بنا کیک و چنکو وخت اسیٹی
دا بیانیه ء لس مخلوق ٹ منفنگ کن اسہ کچ ٹیے اسکان
سرسہب مریک کہ عمران خان نا حکومت نا خلاف امریکہ
سازش کرینے و سائفر نا دروشم ٹ فوج ء پاننگانے کہ عمران
خان ء حکومت آن کشنگہ ہندا سوب آن فوج عمران خان نا
حکومت ء ایسر کرے۔ دارد ٹ جنرل باجوه امریکی سازش
ٹ اوار مس، ولے گواچن دادے کہ دا کل بیانیه اک جوڑ
کنگرہ تاکہ ہندا فتا بنداوا پی ٹی آئی پاکستان نا فوج ء زیات
بلیک میل کنگ کے۔ ہندا وڑ اسہ وخت آفوج نا تہٹی ٹولی
جوڑ کنگ (لابیٹنگ) بنا کیک و ایلو پارہ غان ہرٹال و ایلو
کاریمک ہندنکہ لانگ مارچ، پروگرامز، ریلی کشنگ، ہرٹال و

ایلو کاریمک، دا غٹ عاصم منیر نا وخت آہراتم او آرمی چیف جوڑ مریک گڑا او مون پہ مون پی ٹی آئی ءِ ٹک کیک و کریک ڈاؤن اس بنا کیک۔ اوفتا بندغ آتے خلنگ بندی کنگ و بهیم نا گواچی کنگ بنا کیک۔ و ایلو پارہ غا پی ٹی آئی فوج نا برخلاف ترند ءِ بیانہ اسیتون چاگڑدی حوالکاری تلہ ٹی ڈرننگ۔ پدا 9 مئی 2023 ٹت عمران خان بندی کنگ و او نا منوک آک و باسک آک فوجی کیمپ آتازی آجلہو کیرہ ہرافتیٹی جی ایچ کیو، پشاور کینٹ، کوئٹہ کینٹ، لاپور کینٹ، دا تیوہ غا جاگہ غاک اوار ءِ، دا دے آن فوج نا زوراکی پین ترند مریک و او پی ٹی آئی نا زی آہلو کریک ڈاؤن اس بنا کیک، دا پارٹی ءِ پرغنگ نا کوشست کیک، اوفتا بندغ آتے پارٹی آن کشنگ کن بے وس کیک، اوفتا ہڑتال و ریلی تا زی آکریک ڈاؤن مریک۔ داکان پاکستان اسہ پوسکنو تہہ ئنا جنگ اسیٹی تمک و فوج تیوہ غا سیاسی شیفی بڑزی نے تینا دوٹی کیک دنکہ مالو پردہ نا پد آن جتا دروشم آتیٹ سیاسی ویل آتیٹی دُو شاغنگ مریک پدا اسہ رنگ مونی بریک و پاکستان نا غٹ سیاسی شیفی بڑزی تا پد آن تینکن ونگ اس جوڑ کیک و اودے ایکٹو کیک۔ عمران خان کوشست کیک کہ فوج نا برخلاف بھلو السی مزاحمت اس برجا تخ و تیوہ آطاغت و وس ءِ تینا دُو ٹی کے ہندنکہ ترکی ٹی طیب اردگان کرے ولے عمران خان داڑے بے سہب مریک و پارٹی ترند ءِ کریک ڈاؤن ئسے نا پلوپڑ ٹت بریک، دا بے سہبی تا سوب آن اوفتا پارٹی نا غٹ کاریمک سلیرہ ولے اوفتیتون بیرہ اسہ جاگہ اس بچک او چاگڑدی حوالکاری تلہ ءِ پی ٹی آئی نا باسک و منوک آک غٹ چاگڑدی حوالکاری تلہ غا بریرہ و سوگو ءِ دروشم اسیٹی بیانہ اس جوڑ کنگ نا بنا ءِ کیرہ۔ چاگڑدی حوالکاری تلہ ءِ وخت نا خواست آتا حساب

ٹٹ کاریم ٹٹ ہمتنگ اوفتے ولدا مونی ہتیک، او ٹوٹٹر، فیسبک و یوٹیوب آن بیدس بہاز میڈیا چینل، گروپ و اکاونٹ جوڑ کیرہ، اوفتا منہ بندغ احوال تروک آتا دروشم ٹٹ مونی بریرہ اوفتا منہ بندغ پیشن نا ملک آتیکن رائی مریرہ و ہموڑے یوٹیوب چینل و ٹوٹٹر اکاونٹ ملیرہ و فوج ۽ ٹک کیرہ و اونا برخلاف لس بیانہ اس جوڑ کنگ بنا کیرہ۔ فوج ۽ ٹک کنگ نا بنداوی مسخت فوج آزور شاغنگ ئس کہ او پی ڈی ایم نا کمک ۽ یلہ کے و پی ٹی آئی تون اوار مرے و طاغت یعنی حکومت اوفتے تننگہ۔ ہندنکہ پاکستان نا لس مخلوق و امر و ہم پارٹی اس مرے او تینٹ فوج نا چند ئنا پیداوار ۽ و فوج تون سیالی تخرہ گڑا زور شاغنگ نا سوب آن فوج ئی تینا لابی ۽ سرسہب کنگ و مونی ہمتنگ خوارہ۔ دا غٹ حالیت آک پاکستان ٹی اسہ سیاسی عدم استحکام نا چاگڑد ئس جوڑ کرینو۔ فوج تیوہ آ سیاسی شیفی بڑزی تے ہلنگ توننگ ۽ پیشن نا غٹ سیالی و جیڑہ آتے ہم فوج تینٹ ہلنگ توننگ ۽ معیشت آن الیس ایلو تیوہ آ جاگہ آتیا فوج تینا کوزہ ۽ سوگو تخانے و سیاسی پارٹیک زیات فوج تون ڈیل کنگ و اسٹ ایلو ۽ حکومت آن کشنگ و تینا حکومت ۽ جوڑ کنگ خوارہ۔ داسہ نا گچینکاری دا گڑا نا بہلا مثل ۽ کہ بلوچستان ٹٹ سیٹ آک کروڑ آتا نہاد آسودا کنگرہ و ہرکس کہ زیات زر تس سیٹ ہمودے تننگ و فوج زیات تینا بندغ آتے حکومت ئی ہتیک و جاگہ ایتک۔ فوج کوشست کیک کہ غٹ خوش مریر و لے زیات پارٹیک بنجاہی حکومت ۽ دوئی کنگ خوارہ ہندا سوب آن فوج آہر وخت اسہ نہ اسہ پارٹی اس زور شاغک و پاکستانی پارلیمانی پارٹیک دا گڑا ۽ ہچ وڑ یلہ کپسہ۔ دا وخت آ حالیت آک ہندن ۽ کہ ملک نا وزیر داخلہ نئے پارٹی

ئیسے نا بندغ ئیسے و نئے کہ اودے سیاست تون خڑکی ئس ارے
 ولے فوج نا بندغ ئیسے گڑا اودے وزیر داخلہ جوڑ کرینو ہندا وڑ
 ہر جاگہ غا اسٹیبلشمنٹ حکومت ۽ بشخ و تالان کرینے۔
 پنجابی ہرا مدام فوج نا پد آن سلوک اسہ راج اس مسنے اینو
 پنجابی کن ہم دا زوراک آ فوج کاٹم نا خل ئس جوڑ مسنے،
 بلوچستان آن بنا مروکا زوراکي ٹ بیگوایہی اینو پنجاب ۽ سر
 مسنے و منہ کیس پنجاب ٹ ہم مونی بسنو، حالانکہ او کیس
 آتا بنیات جتا ۽ و خواست و مسخت آک ہم جتا ۽ ولے دا
 ہیت چاہنگ مرے کہ دا وخت آ فوج تینا جوڑشت و ادارہ نا
 رکھنگ کن ہر وڑ ئنا کاریم کننگ ۽۔ جہانی میڈیا نا نیام ٹ دا
 ملک ۽ آبرو و رسوا ۽، چین و سعودی نا کون آسیوت آک
 ہرا مدام پاکستان کن مہروان مسنو ولے ملک نا دا حالت آتے
 خننگ آن پد دا ہیت ۽ مارنگ ۽ کہ پاکستان ۽ دیمروی کننگ
 نا ہچو وڑ اف و سعودی و چین تینا وام و فنڈ آتا شرط آتے دے
 پہ دے آن زیات کننگ ۽۔ اسٹیبلشمنٹ نا بہاز انگا چم و گوازی
 تیان اسٹیبلشمنٹ نا جند ئنا جوڑ کروکا سیاستدان آک اوڑان
 است کٹہ مننگ ۽، اینوی ٹی آئی کن اخس کہ یوٹیوبر و
 سوشل میڈیا ایکٹوسٹ آک کاریم کننگ ۽، دا زیات آرمی نا
 جند ئنا ہیل تروکو بندغ ۽ تاکہ پروپیگینڈا و رد حوال کن دافتے
 کاریم ٹ ہتے ولے اینو ہندا گڑا اونا جند ئنا گٹ ئنا لوپ جوڑ
 مسنے۔ فضل الرحمن و اونا پارٹی جمیعت علماء اسلام ہرا
 اسٹیبلشمنٹ آن کل آن زیات خڑک ٹسک اینو اودے اوغده
 رسینگنگ اف ہندا سوب آن فوج نا برخلاف پیشن مسنے، ہر
 پارٹی و ہر گروپ فوج آن امیت تخنگ ۽ کہ فوج اودے طاغت
 ٹ ہتیک ولے داکان چاہنگگ کہ ریاست سیاسی ردئٹ اخس
 ناکارہ مسنے و ہر ملک سرمایہ کاری و ایلو پروجیکٹ آتا زی آ

کاریم کنگ آن مست پاکستان آن سلامتی و سیاسی سوگوی
نا خواست ۽ کنگ ۽۔

مذہبی ریڈیکلائزیشن، اقلیت آتازی آزورائی و کشمیر نا تحریک

پاکستان سیاسی و ساه سلامتی ردئٹ ۽ سہب مننگ آن
بیدس تولنگ کن ہم اسہ دوزخ ئس جوڑ مسنے۔ داسہ نا
زوتیٹ کشمیر موومنٹ و ایلو نیمہ آ پاکستان ٹی مذہب نا پن
آکسفنگ و خلنگ و اقلیت آتازی آزورائی نا جہد و کوشست
آن پاکستان ریاست ئس کم اسہ ۽ سہب ۽ ریاست ئس زیات
و جنگل ئس جوڑ مسنے، پاکستان ٹی سالانہ شش لکھ آن
زیات بندغ پیشن رائی مریرہ و ہر ارٹمی بندغ داکان پیشن مننگ
و پن ملک اسیٹی جہی مننگ نا جہد کنگ ۽۔ پنجابی فوج نا
کشمیر و اوغانستان ٹی مذہبی ریڈیکلائزیشن نا پالیسی تون
پاکستان ٹی ہم مذہبی جنونیت تینا گڈی سیم آسر ۽۔ تدوکا
اسہ سال ٹ پنجاب ٹی 5 آن زیات اندنو کیس مونی بسر
ہراڑے ٹیچر، سیل و سواتی و پیشن نا ملک آتا بندغ آتے
بلاسفیمی نا پن آکسفینو یا زندہ ہُشانو و ریاست نا تیوہ غا
سیاسی پارٹی و رابشون آتا چُپی دا کاریم ۽ زیات تاغت
بشخنگ ۽۔ ہندا وڑ دا نیام ٹ احمدی کمیونٹی و کرسچن
مذہب تون تفوک آ بندغ آتازی آ مسہ چار جہلو آن زیات
مسنے ہراڑے ہزار آتا کچ آ بندغ آک اوفتے آرا تیان کشانو و
اوفتے نسخان تسنو، بخال تیکن دا ملک دوزخ آن کم اف،
ہرڈے اسہ بخال ئسے زور ئنازی آ مسلمان کنگ نا کوشست
مریک یا کسفنگک و دا ریاست ئٹی غٹ اقلیت آتا ہندا حال

ء۔ ارٹمیکو پارہ آداسہ زوتیٹ کشمیر ٹی کائٹم ارفوکا موومنٹ
اسہ وار ولدا پاکستان نا پروپیگینڈا ۽ پرغا کہ او کشمیر نا
نمائندگی ۽ کنگ ۽، کشمیر ٹی فوج ۽ رائی کنگ، ہزار آتا کچ
بندغ آتے ہلنگ بندی کنگ و بیگواہ کنگ و بہاز آتا زی آسم
شلنگ و کسفننگ آن پاکستان دا ہیت ۽ پاش کرے کہ
پاکستان بے سہب ۽ ریاست ئسے آن بیدس پین ہچ ئس اف
ہرا غٹ آراج آتے توفک و تاغت نا زور آتیتون تورینے۔

ٹی ٹی پی و ریاست نا بے سہب آپالسی

پاکستان نا کوشست ئس کہ وختس اوغانستان ٹی اوغان
طالبان تا حکومت بریک گڑا اوغانستان نا زی آپاکستان نا
ہمونو کنٹرول ئس مریک امر 1995 نا وخت آسنے ہراڑے
اوفتا ہنگ تون اوغانستان ٹی تولوکا غٹ پاکستان آن خلاف
مروکا بندغ آک خلنگرہ یا اوغانستان آن کشنگرہ و پاکستان نا
سیکورٹی و اسٹیبلشمنٹ نا اندا خیال ئس کہ اوغانستان ٹی
ولدا طالبان تا ہنگ تون پاکستان اوغانستان نا تہہ آن ٹی ٹی پی
۽ ایسر کیک و ٹی ٹی پی یعنی تحریک طالبان پاکستان ہرا
پاکستان نا خلاف جنگ کنگ ئٹی ۽ او پاکستان نا خلاف تینا
جنگ ۽ ایسر کے ولے ریاست نا دا غٹ ٹغک ہمو وخت آپس
مریرہ ہراتم اوغانستان نا زی آ اوغان طالبان آک کوزہ کنگ
آن پد پاکستان نا ردٹ تینا پالسی تیٹی مٹی و بدلی ہتیرہ۔
پاکستانی طالبان آک اوغانستان ٹی زیات آزاتی تنگرہ، ہرافک
اوغان حکومت نا دوو آن تنک مسسر طالبان تا ہنگ تون
زیات آسودہ مریرہ و تینا کاریم تے زیات سوگو ۽ دروشم اسیٹی

برجا تخرہ۔ نظریاتی ردئٹ و پین بہاز آ بندا و آتیا ہڑتوما نیمہ
 آتا طالبان آک اسہ فکر ئس تخرہ و ہڑتوم آتا زی آ اسلام تون
 اوار پشتون راجدوستی نا زیم ہم ارے۔ اوغانستان ئی طالبان
 حکومت نا بنگ تون پاکستان نا تہئی ئی ئی پی جوانو وڑاسیٹی
 کاریم کنگ ۽ بنا کیک ہراڑان پاکستان سوختہ مریک و بنا ئی
 پاکستان توفک نا کمک ٹ اوغانستان آ زور شاغنگ نا جہد
 کیک و پختیکا و ایلو بہاز آ جاگہ تیا آسمانی جلمو کیک ولے
 اوغان طالبان آک اودے ترند ۽ ورنندی ئس ایترہ و پاکستان نا
 بہاز آ جاگہ تیا جلمو کیرہ۔ پدا پاکستان جہانی پڑ آ اوغان
 طالبان تا خلاف گروہ بندی بنا کیک تاکہ اوغانستان جہانی
 زور ٹ برے و ئی ئی پی ۽ کمک کنگ ۽ بند کے ولے دائسکان
 پاکستان ۽ دارد ٹ سرسہبی رسینگتے و ئی ئی پی اوغانستان ئی
 جوانو وڑاسیٹ جہی منگ ئی سرسہب مسنے و پاکستان ئی
 پاکستانی طالبان یعنی ئی ئی پی نا کاریمک زیات مسنو و دیے پہ
 دیے آن زیات منگ ۽۔ ئی ئی پی دا وخت آ پاکستان ئی سلامتی
 کن بھلو نسخان ئیے ایہن تو پاکستان نا اصل جنگ
 بلوچستان ئی بلوچ راجی جہدکار آتیتون ۽ ولے طالبان آک
 پختونخوا نا نیمہ آ پاکستان ۽ بھلو کچ ئیے اسکان کاٹم خٹ
 کرینو کہ پاکستان نا سیکورٹی ادارہ آک تینا تیوہ آپام ۽
 بلوچستان تون کنگ کپسہ۔ پاکستان دا ہیٹ ۽ مارک کہ اونا
 تاغت خیبر پختونخوا ئی سوگو ۽ انتے کہ اوڑے طالبان آتیتون
 لس مخلوق نا کمک اوار اف ولے بلوچ راجی تحریک ۽ چاہے او
 سلہہ بند آتلہ مرے یا سیاسی اوڑتوں بلوچ راج ئنا سوگو ۽
 کمک ئس اوار ۽ دا نا بھلا مٹیل آتیاں اسٹ بلوچ زنک ایسری
 نا خلاف تربت آن اسلام آباد اسکان مروکا لانگ مارچ ۽ و ایلو
 نیمہ آ بلوچ سرمچار آتا جند ندر جلموک ۽ ہراڑے بلوچ راج

تینا شہید مروکا جندندر آسرمچار آتے شان ٹٹ شئیر و نازیفنگ
ٹٹ ڈغار نا باہوٹ کرینے۔ بلوچ راجی آجوئی نا تحریک
پاکستان نا مرک و زند نا سوچ ء، و ارٹمیکو پارہ غاٹی ٹی پی نا
سلہہ بند کاروائیک پاکستان ء بھلو کچ ئے اسکان بہیم نا
گواچی کرینو۔ اندا ڈول ٹٹ چائیز و پیشن نا سرمایہ کار آک
ہم ہر وخت آئی ٹی پی نا دوو آن خلنگنگ ء۔

پاکستان نا تہہ ئنا ویل آک و بلوچ راجی آجوئی نا تحریک

بلوچ راجی آجوئی نا تحریک سلہہ بند پڑ مرے یا سیاسی و
سفارتی غٹ پڑ و پاناد آتیا دے پہ دے آن زیات سوگو مننگ ء۔
پاکستان نا نزوری بلوچ راجی تحریک و جہدکار آتے داگڑا نا
زیات وار تننگ ء کہ او تینا کاریم و پروگرام آتے ترندی ٹٹ
بلوچستان ٹٹ شینگ و تالان کیر۔ دُنکہ اینو پاکستان نا مالی
حالیٹ ہچ نہ مننگ نا بریر ء و پاکستان نا بھلو ارمان ئے کہ
بلوچستان ٹی کاونٹر انسرجنسی نا پالیسی تے زیات سوگو کے
امر کہ ورنہ تے بھلو کچ ئے اسکان نوکری تننگ، پیکج تننگ،
بلوچستان ٹی انفراسٹرکچر نا زی آکاریم کننگ، پین اندن ورنہ
تے ذہنی رد ٹٹ گنٹ کروکا بہاز آ پروگرام آتیتون تفنگ، ولے
زر نا کمی نا سوب آن پاکستان کاونٹر انسرجنسی نا پالیسی تے
زیات کننگ کپک۔ اندا وڑ پاکستان خواپک کہ بلوچ تحریک نا
سلہہ بند سنگر آک ہرا دژمن نا خلاف جنگ کننگ ء اوفتا
خلاف پوسکن آن پوسکنو سلہہ کاریم ٹٹ ہتے۔ اندا ڈول ٹٹ
جہانی تاغت آتا پاکستان نا ہمکوپی کپنگ نا سوب آن بلوچ
راجی تحریک نا خلاف دژمن سوگو ء پروپیگنڈا کننگ ٹٹ ہم
ہے سہب مسنے و تینا خرک نا ریاست آتیا زور شاغنگ یا اوفتے

دا منفنگ ٹٹ ہم ے سہب مسنے کہ بلوچ آتا خلاف کریک
ڈاون یا پین گڑاس کیر۔ دژمن نا نزوری مدام اونا خلاف کاریم
کروکا تحریک آتا فائده ٹی مریک ہراڑے او تحریک آتے وار
رسینگگ کہ او دژمن نا نزوری تیان فائده ارفر و اونا خلاف
سوگوئے جنگ ٹس کیر و تینا راجی آجوئی ے الیر۔ دا گواچن ٹسے
کہ ہر ریاست نا نزوری تیان بیدس اوڑتون ریاستی تاغت و
وس نا منہ بشخ مریرہ، اینو ہم ریاست نا کچ آ بلوچ راجی
تحریک نزورے ولے ریاست نا دا نزوری بلوچ راجی تحریک کن
فائده ٹسے کہ او تینا وس و تاغت ے زیات ودفے و دژمن ے زیات
آن زیات نسخان ایتے۔ تینا جاگہ تے کوزہ کے و جہان ے بے وس
کے کہ او بلوچ ڈغار نا زی آ بلوچ نا خواجہی و حق ے منیر،
وخت ٹتون اوار او تینا نزوری تے ہلنگ کیرہ حالانکہ پاکستان
اینو نظریاتی، سیاسی، فوجی و ایلو بہاز آ نزوری تا گواچی ے ولے
اگہ دا وخت و حالت آتیان بلوچ جہدکار آک فائده ارفنگ
کتور و تینا کاریم تے زیات ترند کتور گڑا دا گنجائشت ساڑی
ارے کہ پگہ ریاست تینا بہاز آ نزوری تے ہلے و پدا بلوچ تحریک
نا خلاف offensive مرے۔